

宋

會

要

金唐文

宋會要一京諸倉

京諸倉總二十三所船般倉稅倉每倉監官三以京朝  
官及三班充端拱初詔以粳米糯米為一倉小麥小粟  
豆為一倉大豆粟為一倉每歲納畢先省一人稅倉準  
此又每倉監門一人以司天監官充至治平三年五月  
詔罷之折中倉監官無定員以京朝官及諸司副使內  
侍充其所由主斗防守兵士無定數國初置倉凡受四  
河運至京師者謂之般般倉永豐通濟萬盈廣衍初通  
四倉真宗景德四年改第延豐蓋曰廣利景德中改順  
三曰萬盈第四曰廣衍  
成舊曰常豐真宗景德中改濟遠景德中改富國太平興國中以  
宗景德中改濟遠景德中改富國春苑故地為倉迎

十倉受江淮所運謂之東河亦曰東河永濟永富二倉  
受懷孟諸州所運謂之西河廣濟第一倉受潁壽諸州  
所運謂之南河亦曰外河廣積廣儲二倉受曹濮諸州  
所運謂之北河又有茶庫倉或空則兼受船般斛其受京畿之租者謂  
之稅倉廣濟第二倉受京東界諸縣廣積第一倉左右  
驎院倉天驕監倉三倉受京北界諸縣左天廐坊倉  
受京西界諸縣舊有義倉大中大盈右天廐二倉受京  
南界諸縣其受商人入中謂之折中倉有裏河外河二  
名其後諸倉名額或更則所受小異今豐濟廣濟萬盈  
廣衍延豐第一第二順城濟遠富國永濟第一第二永  
富等十二倉受江淮運裏河折中廣濟第一三倉受

京西運廣儲廣積南廣積第一廣濟稅倉等四倉受京東運天駟監左右騏驎牧養監倉受人戶馬料等以應支用太祖建隆元年五月命殿中侍御史王仲監察御史王祐戶部郎中沈義倫殿中丞王仁郁太常博士夏侯澄太子左贊善大夫陳泛左龍武將軍韓令升左千牛衛將軍時贊分掌在京倉庾先是京畿近輔祖調委輸吏緣為姦民多咨怨至是始擇庭臣總之二年七月追奪右衛率府薛勲在身官配沂州衛前收管坐監常盈倉不能御轄所部用斗稍重為覘者所捕下獄伏罪太祖怒而黜之棄倉吏於市乾德三年九月帝聞在京官廩有積歲陳腐者乃有司滯於給遣也權點檢

三司使趙玘及判官並罪罰俸

太宗太平興國二年

七月詔免右監門衛將軍范從簡率府率宋廷信太子

洗馬張若納衛尉寺丞劉光序等官坐分掌太倉吏重

入民租失察舉故也先是歲漕江淮米四五百萬斛

以給京師選能吏分掌其出納以中黃門副之太宗恐

吏概量為姦遣期門卒變服偵邏得永豐倉持量者張

遇凡八輩鞫之盡得其受財為姦狀帝悉命斬之杖中

黃門免掌廩吏懲不謹雍熙四年八月詔在京水運

諸倉先是倉吏概量為姦致外州民逋欠米二十六萬

七千石並除之端拱元年七月命樞密直學士余休

復等案視京城水運倉裁其利害休復等言京城內外

凡大小二十五倉官吏四百二人計每歲所給不下四百萬石望自今米麥菽各以百萬石為一界每界每常參官供奉官殿直各一人專知副知各二人凡七人同掌之監官月加給如知州監軍之數專副給廩錢諸凡貯米千四百六十餘萬石可支三歲惟小麥菽豆過三歲即陳惡望令有司每歲無多調而米麥各以百五十萬石為一界又言東南諸州歲運杭米守給者常須數歲乃畢或罹暑濕固多損敗望每石給雀鼠耗一勝並從之

二年九月詔開封府特許於在京折中粳米粟豆大小麥國家之務儲蓄為先自前省倉折中斛斛蓋以濟人利物通商惠農既積歲時頗生欺弊久從停罷

復議施行將永便於公私宜別行於條貫其折中斛斛  
自今只許客旅斛斛依時價折中準船般倉例每百萬  
石為一界所有食祿之家并形勢人并不得入中斛斛  
及與人請求折納違者許人陳告主吏處死本官除名  
貶配仍委御史臺糾察其所中斛斛不許多少並支與  
告事人充賞主吏自能陳告並免罪亦依告事人例施  
行其監納朝臣使臣不得受人屬託納斛斛違者並除  
名貶配候納及數目即旋具逐色斛斛封樣於樞密院  
送納仍以膳部員外郎范正辭洛苑副使綦仁澤作坊  
副使尹宗諤同掌其事先是募民及聽商賈入粟給券  
於江淮以茶鹽償之謂之折中或有言弊濫罷之自是

歲失國用百萬之入故復之也淳化二年五月置折博倉許商旅納粟麥計其直分於江淮以官茶給之先是  
有折中倉之目掌庾吏與縣量者為姦遂詔停廢端拱  
二年有司請復置既而歲旱中止至是始復焉甚有以  
佐國用而商人便之五年四月帝嘗語及折中倉左  
右皆言折中乃公利之利帝曰豐稔之歲行之固有利  
焉儻年穀稍歉慮商人收糶斛斛物價翔起物價貴則  
貧民愈艱食焉參知政事趙昌言對曰臣下只知折中  
為便殊不知陛下用心憂民至北方知外人豈能測量  
聖慮真宗咸平元年七月詔裏外河折中倉所由斛  
子隨專副一界一替八月詔監倉京朝官無得以羨餘



為課 五年二月真宗曰倉廩府庫多收出羨以為勞績若非常納之際重歛即是支給之時減尅諸道轉送官物償其逋責公人頗甚不易况舊有條貫可嚴行誠約但以持平為務不得收其羨餘叙為勞績 景德二年詔三班勿以廕補未厯事使臣監諸倉三年三月詔在京倉草場監門使臣自今後逐日常須各在本處監門不得容庇專副公人等輒作弊倖亦不得妄託事故非時拋離本處如違當行嚴斷所有監門司天臺主簿保章正等若是須要勾集議事即仰司天監奏取指揮并仰提點倉場所常切覺察如有違犯即具名聞 四年十月詔京城倉場受納芻糧勿得留滯仍令三司開

封府察之 十一月詔申太倉給軍食概量刻少之禁  
先是軍士所得斛裁八九斗頗以為言帝以問三司使  
丁謂謂曰前詔條制太倉納諸州運糧無得增受諸軍  
月給無得減刻違者至死今此減刻誠合嚴誅但運糧  
米常有耗舟卒盜食其中若太倉輸納稍難則恐綱運  
不繼帝曰然月廩不可虧少故復約束之 大中祥符  
二年十月帝宣示宰臣王旦等謝德權言先提舉折中  
倉知紅粳米不任久積倉廩當時遂準三司牒只納白  
粳米近日有言事者請納紅米今所給已多雖利於商  
旅其官廩先有紅米計其支給積年未及新者徒致腐  
敗仍取折中舊納紅米白米及新者以進帝曰可令三

司議可否以聞 五年三月詔在京諸倉自今每遇支散諸軍班諸色人月糧口食仰子細驗認如是興販人收接買籌支請却上好斛斛及有搭帶出外即收捉赴三司勘逐坐法施行 六年二月詔諸倉等處監門使臣及監官當給糧受納綱運時不得與官員及諸色人閑雜人同坐如違應犯人並當嚴斷仍委三司捉點倉場所常切覺察兼許人陳告四月詔在京工役禁軍廂軍兵士所請口食令殿中侍衛馬步軍司指揮依例每月一度請領至月盡旬假日並與免一日工役令兵士自去赴倉擔般並仰三司每至支散口食之時預先指揮合支倉分令監官專副等專在本倉等候兵士請領

無令候事七月詔自今每差京朝官使臣監納秋夏稅  
不得令公人等供給喫食監官並須躬親巡覲教門不  
得於監門使臣處裏私取曆注本家或隣倉抄出稱無  
損動其監門使臣亦不得顏情私衷將文歷與監官書  
押如違許人陳告各以違制論十月詔京城諸倉所納  
秋賦宜令均平不得稽滯侵攪仍委開封府廉察之七  
年二月詔倉草場神衛剩員以三千人為額六月詔如  
聞在京諸倉場人戶送納官物多有留滯乞索錢物宜  
令開封府察訪收捉以聞十二月詔自今百萬倉所給  
納斛斛其監官並許依久來體例分倉勾當給納八  
年四月詔曰自我京畿達於淮泗倉庾相望轉輸至多

若無增損之欺寧有羨餘之積俾均出納以便公私應  
裝納倉教之處及在京諸倉監官等平須均平受納不  
得侵削所收羨剩並不理為勞績但一界幹集別無逋  
負即依元敕施行先是監百萬倉國子博士夏侯晟  
以收到出剩乞行酬獎有司以咸平中條制凡倉庾所  
收出剩不為勞績至是申明之九年四月五日詔京  
朝官年六十以上勿差監在京諸倉時國子博士雍文  
載年六十五受敕上言求免帝曰京倉自受納至給畢  
常六七年若此輩一任則老於掌庾矣因著式焉神宗  
天聖二年六月樞密院言近為頻經霖雨取到在京倉  
教踈漏倒塌未修去處今據提點倉場所言見未修了

教屋計六百二十七間朝廷累降指揮當職官吏催促修蓋至今未見結絕乃逐處監官不切用心詔當職官吏等取近限上冬修蓋畢功如少闕兵匠亦令樞密院速與指揮抽差如更違慢不即修蓋及稍違近限令樞密院劄送御史臺取勘從之 三年三月內園使開州刺史王應昌言在京諸倉舊差朝官供奉官已上歷外任者勾當轉副所由糾子等皆有畏懼支遣諸軍班月糧皆獲好物今來諸倉多是京官殿直兼有未歷外任者每有綱運卸納取樣之時或即到門或即不來只憑專副所由是致綱梢偷糶官物入水土伴和交納在倉未經年歲發熱晁晁黑弱切緣軍儲事火糧綱不少欲

乞依舊選差歷外任朝官使臣充百物界守給勾當所  
有押綱使臣省監綱梢及本界專副所由糾子等別乞  
重行條約誠勵從之九月審官院言三司勘會在京百  
萬倉欲乞今後除合入西川廣南遠官不差外其合入  
江浙荆湖福建遠者並許差監仍自立界受納直至守  
吏漏底別無欠少損惡官物合入遠者即與家便差遣  
合入近者即與陞陟差遣若有少欠損惡斛斛乞依條  
施行者本院檢會自来監在京百萬倉京朝官得替到  
院承例入近地差遣雖前後累據監倉官員收到出剩  
乞行酬獎又緣當院條貫元不曾指定名目酬獎只依  
常例定差欲乞今後監倉自立界至漏底無少欠損惡

斛斛如是合入遠地親民差監者與當一任親民資叙其合入近地親民差監者與陞陟差遣其曾經外任差遣合入近地監當人差監者與改親民仍並與近地差遣所有接續定差監殘零界分者候支遣畢日與近地差遣合入遠地監當及新授京朝官即更不定差監倉從之 四年十二月三司言在京粳米倉有低次斛斛萬數甚多有司勾到行人估價每斛六十文又緣低次黑弱恐出糴不盡更乞下府界諸縣昨經水災之處如有人戶合銷賑貸即具數目申省擬撥應副仁宗曰糴價特與減半若賑貸與人戶每二斛令納麤色一斛餘從之時大雨之後食物騰貴及諸處置場出糴差官依



給賑貸遠近貧民利於減價曉夕奔湊迹相蹴踏爭糴  
不暇殆至春首民不艱食實賴此也 六年八月以監  
順成小麥倉左侍禁高延偉受納給遣收到羨剩斛斛  
萬數甚多與家便監押差遣 七年閏二月詔在京監  
百萬倉使臣今後須是揀曾經監押巡檢別無贓私違  
犯者充即不得差未經差使使臣勾當三月詔訪聞在  
京諸倉多是大量綱運斛斛及支散時減剋軍糧令下  
三司指揮提點倉場所并提點斛面使臣常切躬親提  
點受納不得信憑逐倉監專斛子大量綱運內斛斛亦  
不得取受押綱軍大將殿侍錢物七八斛布袋入倉却  
稱數足如或別差人抽拔點檢斛面及因事彰露被人

陳告其監專糾子仰勘逐情罪以聞仍指揮提點倉場使臣自今後每遇支糧時仰不住來往提點須是兩平量與請人及不得別作情弊帶出官物如稍有違其干繫人仰勘逐情罪取旨所有在京諸倉監官今後但得支遣官物了足並依前後條制施行其收到出剩更不理為勞績 九年七月二十七日詔京朝官未歷親民差監京倉者自今須一界受納支給了畢無得非時求替其嘗經親民者自如舊條時大理評事李琬監折中倉以貪求替因有是命 景祐三年七月二十三日中書言京百萬倉欲令三司舉京朝官監當自今古入親民舉差者自立界至支遣漏底一界了當無損欠及三

年已上與理親民一任五年以上與當兩任如及七年  
與升一任差遣其元合入遠地者與近地合入近地者  
與先次曾經外任差遣合入近地監當人舉差者自立  
界至支畢了當許通計前任今任監當年限共合改親  
民者與改親民資序若於合改親民年限外更監當及  
三年以上者與理親民一任及五年已上者與理兩任  
仍與近地差遣舉充監殘零界及三年以上了當者各  
於元資序上理為一任不及三年者元合入遠地差遣  
即與近地合入近地與先次差遣從之 寶元三年正  
月二十五日詔在京百萬倉今後舉官須具同罪聞奏  
時三司判官王求李東之舉官監京倉皆不同罪故條

約之慶曆七年二月命內侍二員提舉月給軍糧時侍御史吳鼎臣言諸軍班所給糧多陳腐又斛升不足請以內臣提察之 皇祐三年九月六日教坊判官王世昌自陳年老乞監永濟倉門帝曰世昌本亦士人以無行檢遂充此職且倉門是國家儲糧出納之所豈可令此輩主之宜與在京一廟令 至元和二年九月詔京朝官曾犯贓私罪若公坐至徒者毋得差監在京倉庫場務治平元年十月五日三司言乞令諸倉界以納粳米月日為先後支諸軍班月糧從之 二年八月七日權三司使韓絳言近日雨水諸倉場斛斛浸濕不堪乞相兼支給諸軍班等詔令三司只就逐倉委監倉官員

減價出糶仍差判官一員并提點倉場所官提舉照管  
三年八月奪監富國倉屯田郎中萬及一宮內殿崇  
班王從謹西頭供奉官戴宏皆勒停坐受米濕惡壞十  
八萬石也 神宗熙寧三年九月二十五日司司詳定  
在京船般倉專副所由斛子曹司門人等如因倉事取  
受糧綱及請人錢物并應在京諸司係公之人因倉事  
取受專典斛級并因綱運事取受糧綱錢物並計贓錢  
不滿一百徒一年每一百加一等一千流二千里每一  
千加一等罪止流三千里所有共受分贓入已者併計  
所受坐受罪仍分首從其引領過度并行用錢者於首  
罪下減二等已上決訖徒罪皆刺配五百里外牢城流

罪皆刺配千里外牢城滿十千即受賊為首者刺配沙  
門島已上若許未受其取與引領過度人各減本罪一  
等為首者依上條配內合配沙門島者配廣南牢城仍  
許諸色人陳告犯人該徒給賞錢百千流罪二百千配  
沙門島三百千若係公之人給賞外更轉一資其賞錢  
並先以官錢代支一面內自收受賊及元引領過度并  
行用錢人家財充填下足即與除破其元引領過度及  
行用并受賊人亦許陳首依條免罪給賞從之十一月  
制置三司條例司言都官郎外郎劉昭遠等言竊見在  
京諸倉界久來立界有百萬界與五大界兩法雖各有  
所便亦各不無所害其百萬界所便者米麥馬料各別

立界無雜色分占教屋與虛增界數其不便者逐界斛  
斛散在諸倉官吏疲勞奔走致給受不精其五大界所  
便者逐界倉教附近官吏易為官勾其所不便者兼納  
雜色分占教屋并虛增起界數今於百萬界去官吏之  
疲勞而取其人糧馬料之各異於五大界取倉分之附  
近而去其占教增數之未便改立新五界法并舊條約  
束並詔三司依所定施行十九日詔見任倉界官除朝  
廷擢用外不許諸處奏舉差遣二十三日三司條例司  
言諸軍班所請月糧先已坐倉收糴近降指揮並支十  
斛慮元定價小欲自龍神衛及諸司每石等第增錢收  
糴從之十二月六日詔支給軍糧並依近降指揮十斛

足數卸納網運亦仰兩平交量如違元量斛級並行科  
決每倉各置一石斛過盤量官物傾於其中比較免致  
高下其手諸倉斛子三百九十人今並是正身祇候逐  
月更不赴提舉所探差只委下卸司依名次差撥既免  
虛占人數住滯網運兼支破食錢各得均濟如倉分輒  
敢虛闊斛斛數目多索斛子即委下卸司點檢申本所  
勘斷干繫人等仍告示諸軍班及諸司如遇請糧並須  
隔日令逐指揮抱曆曹司赴合支倉分投下所請糧倉  
數目单子以憑約度抽索今後斛子人數其逐界更不  
差斛子隔宿往逐營告報開倉只令合支界分預先關  
申殿前馬步軍司合支諸軍次令逐司一面差人告報



開倉請領日分 四年三月四日詔罷三司奏舉諸倉  
監門使臣止令三班院選未滿六十歲無贓罪使臣充  
其酬獎如奏舉例施行 八年三月詔在京倉庫立界  
滿如勾當及二十箇月與理為一任若不及即與新界  
專副別立界勾當 九年四月二十六日詔諸在京府  
界倉庫所供月季年帳並於合滿後依限申省月季帳  
二十五日半年帳四十日年帳五十日如違依編敕倉  
庫申州法 以上國朝會要續會要附司農寺 高宗紹興元年  
七月五日詔行在省倉受納綱運令戶工部斟量較定  
斛樣繳申尚書省責下所屬製造降下諸路州縣應受  
納支遣起綱交量並用省樣新斛量今後每遇起綱並

於綱界內分明聲說係用新降斛交量起發仰省倉依  
條受納不得作弊如有違犯許本綱諸色人越訴十月  
十六日詔省倉請人出備短腳錢每石五文止用本倉  
腳袋般騰交付其請人擅入教者杖一百許人告賞錢  
三十貫 二年十月十七日詔於倉門外置監門廨舍  
三年正月六日行在省倉內鎮城倉改為行在南倉  
仁和倉改為行在北倉鎮城倉係臨安府州倉仁和縣  
倉係仁和縣地基上修蓋各槩其稱至是改之二十六  
日詔今後諸軍三衙每遇支請並差撥逐部將官部押  
人兵赴倉鈐束二月二日詔告獲東北倉偷盜糧斛每  
石支賞錢五十貫文先以官錢代支後於犯人并干連

人名下追理還官仍令左藏西庫先次支錢二百貫文  
於兩倉監門官處收掌堆垛充賞從戶部請也三日詔  
行在諸倉遇打請日令戶部前一日據合支數令本倉  
般量出教於廊屋下安頓遇天晴於磚場上垛放支遣  
放吏遣三月二十五日詔行在南北倉監官四員並兼  
管幹和糴其食錢每員日支二百文於本場百陌錢內  
支 四年四月六日詔南北倉各差檢察斛面官一員  
令吏部差小使臣依在部短使以主管官告院兼權司  
農寺丞羅長康言昨京諸倉各差斛面官一員係吏部  
尚書左右選輪月互差闕官乞差小使臣充理當短使  
今來行在南北倉見準樞密院差到本院使臣充兼門

兼視斛面檢察切慮不得專一欲乞依舊差撥逐季一  
易仍於和糴場百陌錢內量支請給并監官遇得替以  
本倉曆尾見管米斛委官般量候數足方許離任戶部  
勘當欲依本官所乞令吏部依例差小使臣一員專一  
檢察吏部供到狀令來若朝廷依戶部勘當事理亦合  
於本部合著短使小使臣內依名次差比依在部短使  
幹辦不滿箇月理為輕格一次如無合差短使人即依  
條限三日募情願人理名次差撥候滿日令司農寺徑  
申所屬選分差替從之七月二十七日詔復置司農寺  
倉部昨并到司農寺所行支納糧斛草料等事務并撥  
到手分等並依舊歸本寺 八年十月四日詔南北倉

各糴米每及五萬石監官減半年磨勘如不及五萬石更不紐計從司農少卿徐林請也先是紹興四年四月十九日朝旨兩倉歲終共糴米二十萬石監官轉官不及全年紐計推賞至是改之 十一年六月六日詔行在三倉以行在省倉上中下界為名監官監行在省倉上中下界繫御稱呼所有監專理任請給差置并給納應干約束事件等並依見行條法戶部據白劄子行在省倉各有色額高下米樣不等其逐倉前有無圖兌頑之人在彼居住逐時收買低下米等行用錢物告囑監官下人及專副換教支出色高白米夾帶大量并監官亦將白米作人情應副支與諸處所破願募却將低下

米入在白米攪拌支遣大軍深屬不便欲乞將逐倉米  
分出等第高下作上中下三界本部尋下司農寺相度  
去後據本寺狀昨在京日係一十七倉分立上中下界  
逐界各拘三四倉受納糧斛及一百五十萬石為界候  
及數排立以次界受納前界止是守支今來行在省倉  
係每倉差監官二員二年成任止在本倉受納給遣是  
致混雜色額今此依舊日隨宜措置將三倉分定米斛  
色額專一受納支遣一欲乞將上色白苗米並分撥赴  
南倉就用南倉監專受納支充上界其米係充宰執侍  
從管軍職事官宗室百官省臺寺監等祿粟支遣一欲  
將次色苗米分撥東北倉卸納令北倉監官二員就本

倉專副專一管幹受納給遣上件米斛充中界更不許  
干預別界米斛其次色苗米係充班直皇城親事官輦  
官五軍等口食支遣一欲將糙米分東北倉卸納令東  
倉監官二員就本倉專副專一管幹受納給遣上件糙  
米充下界即不許干預別界米斛其米係充五軍月糧  
三衙廂禁軍諸司庫務等口食月糧支遣一今來若依  
前項事理施行所有三倉見在逐色米斛今差定逐界  
監專互相交割認數支遣其已後到來綱運從本司照  
檢色額行下分定倉界受納候支絕三倉截日見在數  
目按續支給故有是命 十二年四月二十三日詔省  
倉下界依南北倉例專差檢視斛面官以司農寺丞柳

綽言行在東倉昨自刼置以來支納稍簡係監門官兼  
管檢視料面本倉近改充省倉下界專一支納糙米又  
有中界將合納苗米分撥就本倉交納比之前支給  
委是浩瀚故有是命 二十三年六月十八日詔應倉  
庫交卸綱運折欠並即時具名色數目申解所屬見得  
有侵盜貿易之弊即送大理寺推治其過誤損失並押  
下元起綱處依法施行先是止送排岍司監繫故有是  
命以上中會要孝宗乾道三年六月九日詔兩浙轉運司臨  
安府踏逐到二百萬石倉教基止所用材植物料候青  
城畢日就用仍令將作監將應管抽解竹木應副蓋造  
七月二十三日詔今歲後秋成委行在和糴場官吏於



新置二百萬石倉內糴米二十萬石所有本錢撥省倉等處見錢會子充若本錢不足以經常窠名錢內貼支二十七日詔艮山門外於養濟院蓋造五十萬石倉教十二月十二日戶部言近承指揮創蓋新倉候秋成委行在和糴場官吏就本倉收糴米三十萬石除已差官趁時收糴外令文思院依立定額名鑄造本倉合用印記其巡防兵級看管亦乞下殿前馬步軍司差撥所有合差專副手分人數監官監門官糴米賞典應合行事件並乞依省倉中界已得指揮施行詔依戶部所申仍以豐儲倉為名四年三月十七日詔諸倉吏諸軍月糧口食抑勒坐倉低價糴置反將軍人與在外糴米人

非法斷罪追理賞錢深屬不便令戶部出榜曉示自今  
後諸軍支月糧口食米並令從便不得依前抑勒糴買  
五年十一月七日詔省倉中改作豐儲倉却將東青  
門外豐儲倉改作省倉中界逐倉有管米界以新易陳  
支遣十八日戶部尚書曾懷言省倉中界已改為豐儲  
倉其舊豐儲倉却改作中界所有專料等並令仍舊認  
數支遣監官依舊主管本倉職事從之 六年正月十  
四日戶部尚書曾懷等言豐儲倉展套太監局添造教  
屋已經相視可以修蓋新舊教屋八十六座貯米一百  
三十萬石乞下兩浙漕司臨安府疾速修蓋從之 先  
是司農少卿莫濟言太監局已罷乞將本局屋宇撥付

司農寺安頤米斛至是憎懷有請故有是命十二月十  
九日詔應干倉場庫務等處官自今須管照條依時出  
入如違許所屬按治仍令戶部長貳再一覺察如有違  
戾按治施行 先是上封事者言行在倉庫務監官公  
吏終日在外多不坐局錢穀出納委之羣小若不措置  
切慮如向來左帑之弊故也

以上乾  
道會要

宋會要

義倉

太祖建隆四年三月詔曰多事之後義倉廢寢歲或小  
歉失於脩預宜令諸州於所屬縣各置義倉自今官中  
所收二稅每石別輸一斗貯之以備凶歉給與民人  
長編宋太祖乾德元年令州縣復置義倉  
官所收二稅石別輸一斗貯之以備凶歉乾德三年三  
月詔比置義倉以備凶歲若上言待報則恐乖軫恤自  
今人戶欲借義倉粟充種食委本縣且灾傷人戶申州  
州處分計口賑贍然後以聞仍令及時止依元數送納  
至時如別有災沴亦當更與容限或人戶衆多義倉賑  
貸不足亦具奏聞別發庫充給 四年三月詔朝廷比  
置義倉以恤百姓蓋防歉歲用賑饑民訪聞重疊供輸

復成勞優俾從停廢以便物情其郡國義倉並罷之先  
有乞限送納者並從之 太宗太平興國七年二月八  
日詔廬州管内民所逋義倉米萬七千二百四十石特  
貸之 八年正月宋州言宋城縣民自周顯德元年所  
給義倉斛斗已經二十餘年見今督納民寔不逮率多  
逃楊欽望與限至夏秋熟日送納詔並除之 仁宗慶  
曆元年九月詔天下立義倉 先是判三司戶部勾院  
王琪言自景祐以來嘗言方今之宜莫若自第五等戶  
以上於夏秋正稅外每一石別納一斗隨常賦以入若  
遇水旱但正稅得減則更不輸各州於邑擇其便地別  
置倉以貯之領於本路轉運使今天下大率取一中郎

計之夏秋正稅粟麥之類且以十萬石為率則義倉於一中郡歲得五千石矣矧天下所入之廣乎使仍歲豐登則積如京坻不可勝計矣明道中最高饑歉國家欲盡貸饑民則兵食不足故民有流轉之患是時兼并之家出数千石粟即稱為官吏是豈國家以官爵為輕欣將愛民濟物不獲已而為之爾與夫乘歲之豐收羨餘之入於天下之廣為無窮之利豈不大哉且自第一至第二等兼并之家占田常廣於義倉則所入常多自第三至第四等中下之家占田常狹於義倉則所入常少及其遇水旱行賑給則兼并之家未必待此而濟中下之室寔先受其賜矣損有餘補不足寔天下之利也事

下有司會議多異同而止至是琪復上前所議而仁宗  
為特行之要略曰謹按司法官王琪言水旱上常憂恤務  
喜於行其奏略曰謹按司法官王琪言水旱上常憂恤務  
之升其愚以重舊事久年廣中當酌輕自新法以自刷上  
出粟而實且不均方今之宜莫若自第五等以上戶以於  
正稅外每二科別納一倉井隨其州縣之為帳籍俾各於  
於本邑擇其便地別立一倉以貯之賦為入籍俾各於  
使領俾倉本路不轉運使領之其秋夏二稅若遇水旱但  
上則義倉之更不輸送餘隨其秋夏二稅若遇水旱但  
條則義倉之更不輸送餘隨其秋夏二稅若遇水旱但  
王親麥一令屬天以下大率取石一為中計義倉凡一切  
得五石可矣勝計天下臣所見乎明使仍中歲豐倉於一  
如貸民則兵食不足見乎明使仍中歲豐倉於一  
盡數石粟即稱官為吏有流轉為之輕是時東國然而  
不出已而與乎來歲之吏有流轉為之輕是時東國然而  
不窮之利豈不與乎來歲之吏有流轉為之輕是時東國然而  
司使通如治禮得究民隱者職之會以議者異同而止至是琪復上前所議而仁宗

史皇給秋唐加運給上寶長運曾治義郎既義可為一定  
具太而稅義貸今不供之莫使陳與倉無嚴倉嘉舉朝中  
載宗又每倉則二足之多遠相憑民不幾貸共於掌得人  
悠隋送二之安浙豈外乎取度見休得加備六是以免上  
悠唐倉野法有之暇州於為而乞息而之不千自備紀奏  
三浮之之俾訟此民及郎國化有復故廢以之三五山鍾曰  
注議賢日納稅忘飢民所家基司義此矣戰至百公平之茹  
見尚主隨一至使死乎苗之治不倉倉我伐于八以非忘以  
或創其升重知流去歲計具切景之國因五十下朕唐我  
異茲正所令治離年計儲今奉祐制家之代七墜所太倉  
端長稅入若體十江不蓄十行中未削以之萬田須宗之  
固策民至自而過淮過不七俗又暇平既末餘畝橫曰建  
知歷無薄第為半之一有年吏上議禍饑天石稅生既始  
立代勞况五國矣間年所以淺此焉北征下長二賦為隔  
大遵擾豐等計倘殍一積義識議臣混役分慶升飲百開  
功行將年已昔州亡遇乎倉止雖于一無裂大逮利姓皇  
成成樂則上可邸尤水今所于蒙天區已中中天人須年  
大効輸納民不倉甚旱天得目頒聖宇賦原以寶之作中  
利在焉戴戶痛康自之下豈前下三順飲所求中事儲終  
非前且歲振哉有去災倉減安諸年流不有約天深貯文  
聖良文家夏隋餘歲自康天知路中而勝州東下是官皇



人莫能興之也伏思皇帝陛下臨御以來總覽萬機憂勤言言考前賢創制之法出於聖斷特立洪規陛下儻一言之違行實萬世蒙福俾國家有儲蓄之計陳義倉條育願脩今再錄上進伏乞陛下以聖政為法臣等得建送中書如可施行請將義倉後石介倉唐立義倉近代行之最倉與天意合其器曰隋立社倉唐立義倉近代行之最倉與其約歲一豐耗年納粟若干倉近代行之最倉仍等戶有年德者三兩入主之如豆若菽黍口數多利委此行之則雖有水旱虫螟民不之過飢饉量口支給如民之利病惜乎世人之荒憐一歲之議其子仁政之本久遠計之使一國者試行琪介之議其子仁政之本保誠可嗟痛為國者試行琪介之議其子仁政之本二年正月詔天下新置義倉止令上三等戶輸之考索義倉七年七月十六日知楊州韓琦言近詔嚴義倉所有斛斗若便撥入官倉支遣即恐未副朝廷立義倉示民

以信之意所有斛斗之下諸處據教撥與常平倉附帳  
別作一項椿管或遇水旱災傷即賑濟貧民從之 皇  
祐五年七月九日詔荆湖南北路災傷州軍所將義倉  
米救濟飢民訪聞司農寺却令理納甚非朝廷賑乏之  
意宜特與除破 神宗熙寧二年七月五日御史錢顗  
言陳汝羲任京東轉運使日以羨餘貢奉為名官吏希  
望風旨尚行暴斂如去年勸誘糧斛入官以備河北流  
民而多不支散齊州科配義倉取數太多曹濟州諸縣  
又令耆長代納民何以堪乞下京東路除二稅外權倚  
閣諸逋欠以俟豐年詔廢義倉已納者並給還之元朝  
本末熙寧二年正月辛卯知同州趙尚寬知唐州高賦  
知齊州王廣淵條奏置義倉事上批近詔齊唐等郡議

求修邑最復社倉且圖經久之法知陳留蘇洵亦言臣所  
以備水旱條上畿置為天下第州等出粟二石第義倉  
石第有三社五斗倉四等守一斗者五升第五等亦如  
之量其數以社輸歲倉多則寡其教以出納為一石第  
貸則之量輔使新陳相登邑耳論臣不遠可又為通融之法使彼  
此利害相消又言陳留五事并論臣不遠可又為通融之法使彼  
利行害消又言陳留五事并論臣不遠可又為通融之法使彼  
除依所仍奏施以三二年每限還納可令中書更詳戶種外餘並  
且倉已所奏施行又二年每限還納可令中書更詳戶種外餘並  
義倉守其率萬餘石公亮曰近王廣濟於齊州創置  
人繼倉守其率萬餘石公亮曰近王廣濟於齊州創置  
廣惠倉守其率萬餘石公亮曰近王廣濟於齊州創置  
倉田為三路及京東常年九月其當賑濟即開封府界提刑司  
等倉田為三路及京東常年九月其當賑濟即開封府界提刑司  
先倉田為三路及京東常年九月其當賑濟即開封府界提刑司  
紀云自置義倉畿縣立義倉之法元豐元年二月五日提點  
自畿內始倉畿縣立義倉之法元豐元年二月五日提點

脫  
六月十月  
而條

開封府界諸縣鎮公事蔡承禧言義倉之法今率之以  
二石而輸一斗至為輕矣乞今年夏料科稅之始不煩  
中覆悉皆舉行詔府界諸縣並依以行義倉法仍隸提  
舉司九朝紀事本末元豐元年二月庚戌提點開封府  
元發于精思惻怛之仁心議義倉之法今率以哀憐元  
輪一斗臣始領邑中覆而舉行之乃詔幾縣皆立義倉  
歲夏常平司六月丙寅將作監主簿王吉言去歲詔  
事隸義倉試于畿邑丙寅將作監主簿王吉言去歲詔  
講復義倉試于畿邑丙寅將作監主簿王吉言去歲詔  
提舉司勸會省稅常平免役錢穀欠闕共不及三分處  
先推行燕幾數年之閒即見成效詔京東京西淮南河  
東陝西路依開封府界諸縣遣興州羅觀乞頒義倉法  
年秋科為始十月已未權發遣興州羅觀乞頒義倉法  
於川陝四路從之  
十二月六日詔應鄉村民願以所納義倉糧別鈔就便  
納縣倉者聽從知管城縣趙燮請也十五日詔民納

稅不及斗者免納義倉

二年二月五日詔威茂黎三

州罷行義倉法

初興州羅觀乞置義倉於川陝四路

許之既而成都府路提舉司言威茂黎三州夷夏雜居

稅賦不多舊不推行新法歲計軍儲皆轉運使支移蜀

州稅米就輸及募人入中恐不可置義倉故有是詔

十二月二十八日詔雅州榮經縣依茂威黎三州免輸

義倉米蓋以所領戶雜蕃夷也

八年十月十六日詔

罷義倉其已納數遇歉歲以充賑貸

哲宗元祐八年

五月一日監察御史黃慶基言朝廷覆育海內無有遠

邇一視而同仁至於拯患卹灾欲民無失所之歎者尤

加意於賑濟故比歲淮甸旱倉廩不足以給民至以上

供綱運米賙之前年浙西水本路歲計不足至使江西  
湖北運米以濟之所費無慮數百萬然而不惜重費以  
濟一時不若修舉良法以垂惠于萬世蓋義倉者良法  
也始自隋長孫平建議元豐間先帝復行其法以為隋  
唐取於民太重慮民不堪其求於是納苗米一碩者輸  
義倉米五升可謂至薄矣夫梁歲粒米狼戾雖多取之  
不為害又况納苗米一碩止輸五升固非重歛也蓄積  
稍豐或有水旱則所至倉廩自足以濟民矣臣去歲道  
過太平則見飢民甚衆而無流亡溝壑者蓋猶有當日  
義倉所積之米足以賑濟故也又聞蘇湖之民雖蒙朝  
廷運米以濟之然飢者朝不及夕往往不得露上之惠

而殍殍者多矣乃知義倉誠天下之良法今其條制具  
在望自今歲復行詔令戶部詳度 紹聖元年閏四月  
十六日侍御史虞策請復置義倉三省言舊行義倉法  
上戶苗稅率一碩出米五米詔除廣南東西路外並復  
置義倉自來歲始放稅二分已上免輸所貯義倉專充  
賑濟輒移用者論如法 徽宗政和元年正月二十二  
日臣僚言元豐義倉令計所輸之稅斗納五合大觀勅  
應豐熟計一縣九分以上增為一斗乞罷所增之數詔  
依元豐紹聖法 七月六日戶部言立到諸義倉計夏  
秋正稅穀數無正稅穀處折為穀者準此每一斛別納五合同  
正稅為一抄不收頭子脚刺錢及民限當日交入本倉

出剽通正稅盤 即正稅不及一斗并本戶放稅二分已  
量都數紐計 上及孤貧不濟者免納等條詔依 以臣僚言省倉遇  
納到正稅米不即分撥義倉轉運司多以關乏隨時支  
遣欲于紹聖本條內增修過一日不發監專杖一百二  
日加一等罪止徒一年及因而他司移用並依已降指  
揮依擅支法施行詔令戶部立法故也 二年五月二  
十五日提舉京西南路常平等事范域言紹聖常平免  
役令諸納義倉穀而稅應支移者隨稅附旁送納仍準  
數以本處省稅穀對換無稅倉處截留下等戶稅近年  
轉運司多將省稅量度闕剩更互支移非要便縣分契  
勘逐縣每料合納義倉之數並依無稅倉例截留下戶



稅使就本處送納伏望下有司立法詔令戶部立法  
宣和二年三月十八日詔義倉本以待水旱頃歲諸路  
災傷有司便文自營並不陳乞通融支用截撥過上供  
年額米斛數多致關中都歲計可將京畿東路江南東  
西兩浙荆湖南北路見在義倉穀數留三分以待本路  
支用外餘並令逐路提舉常平轉運輦運撥發司官同  
共計置起發上京補還截過上供額米斛免執奏內不  
係汾州縣措置移那並限至今年十月終盡數到關  
係御筆處分如敢執占以稽滯御筆論逐司官先具措  
置撥發次第聞奏 七月七日臣僚言近降指揮京畿  
見在義倉穀留三分以待本路支用合起七分義倉斛

斗三十六萬餘石內除泐流及中年鄭州合起十二萬  
碩兌與本路轉運司支用并泐流尚有二萬餘碩可以  
兌那外不係泐流去處並合用車乘般載赴關訪聞合  
起州縣並科配民自備車乘人畜起發又義倉久積之  
穀起發斗面必須大段虧少至此却科數取足必致大  
困伏望依近降指揮兌與京畿運司令充逐處係省支  
用却將兩浙等路起赴本路額據數支撥至京却納州  
縣合起義倉數既已兌充本處係省支用合將賦稅依  
法支移迤償補填詔依前奏疾速行下 五年四月十  
三日成都府路轉運司言奉詔措置糶米賑濟事本路  
自淳化間民艱食未有糶常平義倉賑濟之法遂糶省

卷五十五

倉米六萬石今價稍平民無闕食如遇米貴乞將常平  
義倉米減價出糶歲稔糶以補之候奉司歲計有餘依  
舊支糶省倉米從之 六月九日詔自今諸州供申義  
倉并二稅納畢帳並立項開說逐縣通計一州豐熟分  
數 六年正月二十六日京畿轉運司言京畿七分義  
倉穀苗起發上京約一十萬餘石往往不係汭流縣分  
椿管欲依宣和二年七月七日已降指揮並允宣和六  
年分歲額據取過斛斛却於淮浙起赴京畿宣和六年  
分歲額內令逐路一面如數依限間綱起發上京從之  
五月七日詔義倉積穀本以備賑濟者在元豐成憲  
昨今所在存留三分非唯見在之數不多兼終運神考

立法今意今後義倉並依紹聖常平免役令唯免賑給  
更不得起發赴京 六月十八日提舉京西北路常平  
等事李與權言欲今後轉運司科撥訖限一日關報常  
平司逐州承轉運司科撥本州分科下逐縣訖亦限一  
日申提舉常平司庶可檢察義倉斛斗從之 七年五  
月八日軍器少監呂源言信州額理秧苗一十萬八千  
餘碩若每斗納義倉一升歲合理義倉一萬八千餘碩  
其義倉帳只理納到六千餘碩自宣和元年至五年失  
收義倉穀共二萬二千餘碩饒州去歲人戶有納正稅  
三二十碩却只納義倉三五斗而本路州縣其間有只  
行催理正稅不曾依條同爲一鈔輸納往往獨欠義倉

卷三十五

欲申嚴條法將今來所陳行下諸路依此檢察免致失陷於常平司賑給之費不爲無補從之以上續國朝會要高宗紹興二年十二月折納價錢於是監司執省符催納本色一旦盡催本色剗刷積年逋欠亦不許納價錢則困民甚矣願詔省部監司遵守成法庶幾州縣奉行不致違戾詔常平租課折納價錢五年四月十六日詔令江南東西兩浙福建諸州軍守臣各行體度本處米價如是騰踴仰將見管常平米斛依條出糶候秋成日却行收糶撥還依舊椿管仍令常平司拘收十月九日三省言湖南江西歲旱田畝災傷自今秋成之際民間已是缺食恐至來春大饑欲令常平司多方廣

糴以備賑濟上曰朕聞江湖歲歉夙夜為憂常平法自漢以來行之乃是救荒之政祖宗專用義倉賑濟最為良法此年多有失陷可降指揮申飭有司稽考之上又曰江西湖南歲歉恐來春艱食雖已廣糴以待賑濟可更令監司守臣勸課種麥庶來歲有以接濟饑民仍更丁寧示朕夙夜念民疾苦之意同日殿中侍御史王縉言近年以來常平中罷而義倉之法亦名存寔亡官司借兌支遣例皆不即撥還其有支移折變去處更不收納一有水旱飢民流移官司何以賑給欲望申嚴義倉之法應州縣納到米數並別教椿管不得擅有支動其有支移折變及就便輸納去處並通計一縣合收之

數截留下戶苗米於本縣送納上戶折變數多願就納  
本色者聽從便庶幾有以備水旱之變無坐視流移之  
患詔令戶部限一日勘當中尚書省 六年三月五日  
詔荆湖南路所起諸州縣減下吏人雇食錢權暫裁留  
作本添助趁時廣行糴米以備賑濟候將來出糴到價  
錢依限起發赴行在送納從之 先是詔令本路將前  
項錢變轉輕齎發赴行在至是本路言潭衡永州災傷  
見措置賑濟故有是詔 七年九月二十二日明堂大  
禮赦勘會人戶遇災傷關乏種食依常平法許結保貸  
借常平錢穀限一年隨稅送納內有委實貧乏無可輸  
納人戶理合矜憫可令諸路常平司行下所屬州縣逐

一取見紹興七年正月一日以前應未輸納錢穀內委  
寔貧乏無可輸納者仰本司審驗詣寔開其所欠數日  
保明申尚書省取旨蠲免 十年九月十日明堂十三  
年十一月八日十六年十一月十日十九年十一月十  
四日二十二年十一月十八日二十三年十一月十九  
日二十八年十一月二十三日南郊三十一年九月二  
日明堂並同此制 九年七月二十三日臣僚言國朝  
盛時府界諸路所積常平義倉米幾千五百萬斛天災  
代有民無流離餓殍由有備也艱難以來用度不足或  
取以給軍須至於州縣他費因以侵用比年徃徃銷費  
殆盡甚乖祖宗憫人恤災之意今日經制議者以謂盡



行經畫以應支遣而已至於察其豐凶以謹散歛勸其  
貯納以待賑給未之聞也大抵有司務紓目前之責不  
思久遠之計遂指言者無事預備之言以為迂緩不幸  
一有二三千里水旱蟲蝗之憂言之何及謂宜準舊制  
更加修明侵移擅用格奏之令使祖宗恤民備災之政  
不寢於聖代詔令戶部檢坐見行條法措置申嚴行下  
十二年五月二十二日詔衢州米貴細民不易將義  
倉米置場出糶一萬碩具實價供申朝廷并戶部不得  
容令合千人作過低估虧本計會占糶不及細民仍令  
浙東常平司檢察施行從本州所請也 十三年五月  
二十五日戶部言西州軍米貴逐處義倉米見在數多

欲令各處撥一萬五千碩量減市價委官出糶務要惠  
及細民仍委轉運常平司勸諭兼并之家無得邀價閉  
糶從之 十五年五月十三日大理寺丞周楸言頃因  
臣僚建言諸道有生子不舉者屢勸詔旨申嚴勸誘織  
悉備至應貧乏家生男女不能養贍者每人支錢四千  
於常平或免役寬剩錢內支給雖帝堯之嘉孺子文王  
之保小民莫過是也竊聞之州縣免役寬剩錢折收徵  
細生民至多豈能贖給陛下誠欲寔德及民莫若量發  
義倉之粟以賑之所在義倉隨苗輸納不許出糶陳陳  
相因至有紅腐而莫敢移用者歲率一路發千斛以活  
千人以諸路計之一歲所全活者不知幾何人也此令

一行民被喜惠仰荷君父之恩俯薦天性之愛將見餘  
風曠然丕變人樂有子矣詔令戶部措置申尚書省戶  
部言乞下諸路常平司依令來臣僚奏請事理行下所  
部州縣遇有下等貧乏人戶生產男女即時於見管常  
平義倉米內每人改支米一碩內鄉村去縣稍遠處委  
本縣措置將義倉米準脩支散務要寔惠貧弱無令合  
干人作獎阻節減尅入已若稍有減裂違戾去處按治  
依法施行八月二十六日權戶部侍郎王鈇言江東西  
湖南路今歲雨澤露足年豐米賤若不趁時收糴無以  
脩水旱緩急之須亦有傷農之患欲令諸路常平司將  
諸色錢除留歲用外盡行取撥委官措置趁時收糴別

項椿管從之

十八年閏八月二十八日御史臺主簿

陳夔言伏觀常平令歲十月州縣籍民之老疾貧乏不能自存凡與乞丐者廩給之至三月而止而州縣之吏去朝廷稍遠者徃徃類不知奉行孟冬之月未嘗檢察老疾乞丐之人而籍之不過行移文書以應格令而已所謂日給之米乃或移之他用或糜於侵盜豈不上負陛下之良法美意哉欲乞睿斷專責監司常切覺察有敢因循重寘典憲上因宣諭曰義倉之設其來尚矣所以備凶荒水旱救民於艱食之際誠仁政之所先也訪聞比年以來州縣奉法不虔或侵支盜用而監司失于檢察或賑濟無術而僻遠窮困之民不得均被其惠非

所以稱朕矜恤元元之意宜令戶部措置戶部言乞檢  
坐見行條法申嚴行下諸路常平司約束所部州縣恪  
意奉行依時給發務要寔惠貧乏乞丐之人仍仰本司  
常切覺察如有似此違戾去處按治依法施行仍令諸  
路提刑司更切覺察施行從之 二十年九月一日上  
諭宰執曰國家設常平倉正為儲蓄以待水旱賑濟宜  
令有司以陳易新不得妄有侵移若臨時措畫假貸積  
穀之家徒為虛文無寔効也 二十二年正月二十一  
日大理評事莫濛言州縣間常賦秋苗義倉官耗各有  
定數而受納官吏往往於額外別立名色謂之加三收  
耗及脚耗之類民戶受獎至有納一二倍終及正額者

其多收在官之數止資官吏侵盜欺隱乞令有司檢坐  
條法行下每遇受納揭示民間許令越訴仍令監司郡  
守常切覺察如有違戾按劾聞奏從之 二十四年九  
月四日監登聞鼓院曹紱言常平之法肇自前古迨聖  
朝加惠元元其出納之方尤切注意米賤則歛之於官  
貴則散之於民使農末皆利而國用益裕是堯湯先具  
之備也今者時和政協歲已告豐視向日新陳未接之  
際其價益平然能因天之所與以利于下寔甚盛之舉  
也欲望明詔有司俾令州縣及時廣糴使倉廩充寔異  
時用以賑貸則下民永無乏食之患詔令戶部措置申  
尚書省 其後戶部言乞下諸路常平司嚴切行下所

屬遵依見行條法及已降指揮施行毋致稍有違戾如  
本司不切檢察即仰漕憲司按劾施行從之 十月三  
日三省言諸路州軍今歲豐熟間有高田旱傷去處上  
曰令常平司措置通融糴糶務令兼濟毋致失所 二  
十六年二月二十五日國子監丞徐時舉言竊觀祖宗  
立常平之法穀賤則增價糴之不使傷農穀貴則減價  
糴之不使傷民本末不傷公私為利誠萬世不刊之典  
臣觀今日郡縣惟常平所積動盈億萬然米積既久處  
多陳腐其一路使者及守倅法官又以擅移動者獲罪  
非輕不敢變易乞詔有司於新陳未接之前許將常平  
所積陳米減價出糴一則在市米價無緣稍增二則在

倉之米以陳易新三則郡縣多積民食不匱至於秋成  
又許據見在錢數以三之一增糴新米嚴為約束以絕  
弊倖亦理財之先務也詔令戶部措置其後戶部  
言乞下諸路提舉常平司常切鈐束所部州縣遵依見  
行條法仍椿辦本錢候將來秋成日廣行收糴米斛如  
法收椿即不得抑勒搔擾如有違去去處本司按治依  
法施行若本司失于檢察即仰漕憲司按劾施行從之  
四月二十四日侍御史湯鵬舉言祖宗常平條制萬  
世之良法也比者前司農寺丞王安輒妄申陳乞將諸  
路州軍見管常平錢盡收糴米斛起發赴行在而前兼  
權戶部侍郎鍾世明因此申陳又令諸路每歲撥積年



陳次米斛一十五萬碩起赴行在省倉等處支遣大軍糧食臣竊見王爰鍾世明所申委買耗蓄積之財用壞已成之良法若謂以新易陳則自有條令州縣自應依法逐歲換易若謂欲起陳腐之米支給大軍食用則深為不便乞由嚴有司遵守常平條制自今以後不得輒有奏請王爰鍾世明小官敢爾申請沮壞祖宗之成法乞賜黜降詔依奏王爰鍾世明各特降一官 八月十四日奉執進呈淮南漕司開具到本路諸州縣米價其間最賤處每斛不下一百二三十文上曰昨聞淮南路米價極賤朕恐太賤則傷農故欲乘時收糴以惠民今具到米價如是則未須忙候將來價減每碩亦不下一

千全時若戶部無錢朕當自支一百萬貫令收糴沈該等曰陛下愛民之心如此可謂至矣十月二十八日尚書省言諸路州軍見在常平義倉米數竊慮日久因而陳損詔令戶部行下逐路常平司將見椿管米先次支遣却將今年收到秋苗依數撥還候有限滿椿管數足申尚書省差官前去點檢盤量閏十月三日尚書省言諸路州軍見管常平義倉米斛其間有不足萬碩大段數少去處今來米價低平合行措置收糴詔令諸路常平司相度將見管米斛數少去處用所椿糴本錢措置趁時收糴仍開具合糴州軍及糴到數目申尚書省二十七年十月二十一日戶部言義倉米依法隨

苗諭納令項椿管專充賑給州縣多不即時據數取撥  
收椿或並隨苗赴州倉送納更不撥還外縣兼有折納  
價錢去處非唯違法是有悞賑給欲令逐路常平司常  
切覺察有違戾去處按劾施行從之 二十八年四月  
十七日詔每歲春夏之交新陳未接諸州自合將常平  
米依條出糶訪聞近來有失奉行不唯不能接濟小民  
亦因致陳腐可令諸路常平司行下州縣以時量減價  
錢出糶其收到價錢秋成日盡數收糶依舊椿管仍逐  
年具糶糶過數目申尚書省 二十二日上諭輔臣曰  
常平倉米所以待水旱之變緩急賑貸所不可闕須  
委官點檢見在勿令移易若不先事預備臨時料取於

民定成虛文無補寔効宰臣沈該等奏曰今州縣間往  
往皆有儲積其浙東路欲委提舉官審寔具數以聞  
二十四日提舉兩浙東路常平茶鹽公事都潔言諸路  
州縣每遇官司減價糶米其監糶官多是容縱公吏等  
人詭作小民姓名過數多糶伏望行下諸路凡有此弊  
必加以刑其監糶官吏亦寔于法則關食之民悉被寔  
惠從之 七月六日婺州守臣言依准指揮許撥義倉  
米二萬碩應副出糶今將糶盡乞於義倉米內更換五  
千碩接續出糶從之 九月十一日權兩浙路計度轉  
運副使湯沂言諸路州縣每歲秋稔穀不勝賤暨交春  
夏米必騰貴蓋緣秋成之時所在不曾措置糶買并并

之家乘賤收積以幸春夏邀求厚利繼州縣賑糶官米  
不過及城市百姓欲望專委諸路提舉司至歲正二月  
以後減價出糶錢依舊撥還常平庫遇秋成日收糶  
十四日左正言何溥乞命有司討論故寔度戶口以制  
多寡之數鬻官田以充收糶之本於是戶部言常平米  
依法賑糶義倉唯充賑給若擅支借移用以違制論蓋  
緣日前州郡省計不敷妄以兌易新穀為名暗行侵用  
常平司並不躬親點檢兼累承指揮諸路災傷州軍內  
有常平米斛闕少去處合撥義倉米相兼賑糶候秋成  
補糶及看詳常平司有拘收到州縣應沒官戶絕等田  
除紹興二十年至二十六年租課已行起發緣常平司

多拘收到人戶場務抵當戶絕等田產今欲下諸路常平司行下所部州縣將紹興二十七年二十八年所收椿管錢米取見寔數盡行撥入常平案名仍將見今出賣沒官等田產所收價錢取撥三分相兼應副常平糴仍仍令州縣趁時收糴所有奏乞度戶口以制多寡亦乞下諸路常平司約束施行從之 二十三日禮部言江南西路州縣道觀多有朝廷撥賜田產近來至有全無道士去處其田產盡為他人侵耕盜用欲自今更不撥充學糧令常平司拘收別項椿管從之 二十八日三省言權戶部侍郎趙令諤言州縣義倉米遇積久陳腐即行出糴及水旱災傷乞檢放及七分便許賑濟宰

臣沈該等奏曰在法義倉米上許賑濟若行出糶恐失預備上曰逐郡義倉米自有定數若每歲量糶十之三椿收價錢次年依數收糶撥還亦何至侵損數目又如災傷檢放一州通及七分方許賑濟饑荒自有高下必須及七分則合賑濟絕少矣饑荒之民何繇獲濟卿等可別作措置沈該等奏曰陛下卹民之念可謂切至臣等當遵依聖訓別擬進呈於是詔令諸路常平司據州縣所管義倉米十分為率量行出糶歲不得過三分拘收價錢次年糶還仍歲具糶過數目申尚書省  
二十九年六月十九日詔浙西差司農寺丞韓元龍江東差平江府通判任盡言日下前去遍詣州縣同主管官

覆寔的確見在常平義倉米錢物數除程限一月開具  
以聞如州縣違慢隱蔽並許劾奏仍將侵支借充失陷  
數目報提舉常平官措置以聞諸路並委漕臣准此  
先是提舉浙西常平茶鹽公事呂廣問言常平義倉之  
法廣儲蓄以待不時之須事久廢弛名在寔亡繼有見  
存類多陳腐主藏之利不過指廩固扁執虛券以相授  
受蓋緣法禁至重干連猥多間有州縣稍有便文去處  
時暫受納省米入倉充填元數假託以新易陳之法隨  
手復支常將一歲米斛抵換兩司名邑設有支遣豈不  
悞事欲望每路遣官一員同提舉徧行檢察若干係積  
欠欠折驗寔除豁若干係近新借充責限補還自餘寔



若干嚴切椿管今後依條對兌先交新米入倉方得支撥陳米又常平錢物兵火以來前後因循全失稽考今若一旦便付所司州縣之間展轉干繫總計諸路何啻數千人又況有逃亡貧乏無可理償獄事繁興徒傷和氣故有是命 閏六月一日詔秀州崇德縣丞路樗先次放罷以司農寺丞韓元龍劾樗掌常平義倉米斛隱蔽違法虛作收盤數目故也 十二日中書門下省言近已差官覆覈常平義倉米斛錢物今來若便行根究竊慮州縣妄有科借却致搔擾詔令所差官同主管官依已降指揮先次開具的確見在寔數申尚書省如有借兌欠折數目報提舉司措置內侵欺盜用候事畢日

類聚申取朝廷指揮州縣輒敢科擾于民仰提舉司覺  
案按劾以聞當議重寘典憲 七月十八日司農寺丞  
韓元龍言浙西州縣出糶米錢其見在庫無慮六十餘  
萬今歲中稔乞下常平司官措置盡數收糶米斛別教  
收貯不得與舊管及新到義倉米交糶或恐逐縣散漫  
難于稽考則併於本州收糶椿管不得妄科擾及有侵  
隱移兌稍有違戾重作施行從之仍令浙西常平官措  
置具核續收糶數目申申尚書省 八月三日祕閣修  
撰兩浙路轉運副使錢端禮言近者支降錢本廣行收  
糶盡羅之官次第立賞措置經畫全在守倅乞應諸州  
收糶先次數足者許令具守倅姓名取旨如或慢令弗

度亦乞具不職官吏以聞又言常平米斛前此州縣多  
行侵用今來朝廷支降本錢收糴即合如法收貯別項  
播管欲望預行戒約如敢移易充借並依違制科罪若  
向去積年陳次即仰具申朝廷聽旨許將苗稅米以新  
易陳免損蛀之患並從之 十一日詔令淮南東西路  
常平司將見管常平錢盡數取撥委官置場趁時收糴  
如人戶情願中糴稻穀仰本司以三分為率收糴一分  
于泚流州軍播管仍逐旋具糴到數申尚書省即不得  
科配民戶却致搔擾 二十六日中書門下省言州縣  
義倉米係合隨苗送納往往抑令別鈔又行收耗詔令  
戶部申嚴約束仍多出文榜曉示如違許民戶越訴州

縣委監司漕司委戶部按劾取旨重作施行 十二月  
五日臣僚言欲望特降指揮將浙西路自紹興二十三  
年以前應合追理少欠常平米斛錢物委當職官驗寔  
除放其二十四年以後者分立近限追理限滿則選差  
清強官覈寔稍有違慢重寔典憲從之 三十一年十  
月六日詔令兩浙江東西湖南路常平司委官分詣所  
部州縣據見管米數子細看驗分為上中下三等各具  
色額及有無不堪之數限五日開具申尚書省 十三  
日守殿中侍御史杜莘老言朝廷近將兩淮湖廣等路  
常平義倉米委官覈其寔數令逐處搭管應副不測使  
用望特降指揮令四州漕臣將諸州軍常平義倉米數

差官往諸處點檢覈定日下椿管從之以會中紹興三  
十二年十一月十四日孝宗即位臣僚言伏覩近日于  
淮東西總領司各椿苗米一百萬碩脩宣撫司移屯支  
用內發浙西常平米一十三萬二千餘碩往淮東發江  
東常平米三十七萬四千餘碩往淮西竊惟常平一司  
蓋以脩水旱盜賊緩急之用今浙西一路所管雖號三  
十七萬二千餘碩江東一路所管雖號九十七萬一千  
餘碩然而積年陳腐及移易惜兌耗折侵欺之數殆居  
其半一旦三分取一兩路所積幾無餘矣間遇水旱盜  
賊之變將何以為脩乎望二三大臣諭戶部長貳別行  
措置應副椿積詔戶部看詳已而戶部申乞于兩浙漕

司和糴米撥一十三萬二千餘碩赴淮東江東西漕司  
和糴米并江西上供米建康中納米九千碩共三十七  
萬四千餘碩赴淮西充撥積米其江東浙西常平米更  
不取撥從之 十二月十日福建常平司言比本路糴  
過常平義倉米一十一萬六千三百餘碩收錢二十五  
萬餘貫已委官置場收糴准備賑糴詔福建見管常平  
義倉米尚多將糴到錢貫於內撥十萬貫措置收糴其  
餘錢十五萬貫專充本路州軍添招五分弓手錢 孝  
宗隆興元年十二月二十五日詔臨安府近緣河道淺  
隘客米興販未至深慮民庶艱食可將本府見管常平  
義倉米減價出糴其糴到價錢不得妄用候秋成日旋

行補糴從中書門下省請也 二年二月二十七日敕

文閣待制知台州趙伯圭言本州關兩日久二麥未熟

米價踴貴細民艱食依已降指揮將見管常平義倉米

賑糴竊慮貧民艱得見錢欲特量行賑借第四等已下

貧乏之戶候秋成日依元借數隨苗償官詔依自餘災

傷州郡依此施行 乾道元年三月六日臣僚言比因

戶部申請將會子一百萬道充起諸路常平錢一百萬

貫却于會子上批鑒不許支用是致諸路常平司取應

于錢物盡數起發無復見存或遇歉歲賑糴賑濟之惠

何所依辦欲乞行下諸路將戶部所降會子且以三分

發赴行在改換批鑒許充糴本以為異時之備從之

四月六日詔去歲兩浙被水州郡民庶艱食累降指揮以常平義倉米減價賑糶所有糶到價錢州委通判縣委縣丞拘收封椿不得移易借兌候秋成日盡數收糶補額仍先具見椿錢數申尚書省餘路依此 八月十四日中書門下省言常平義倉米舊許州縣以新易陳緣此多有借兌支遣者今秋成在即乞勅諸路提舉常平司下諸州主管官間有借兌數目於受納秋米內依數撥還從之 十一月七日詔福建提舉司具到本路見在常平米九萬九千二百餘碩義倉米二十九萬五千六百餘碩今本司契勘如無陳腐不須更行收糶從中書門下省請也 二年二月二十二日詔司農少卿



陳良弼前往浙東點檢常平等倉於良弼言言被旨點  
檢浙東常平米所至州縣合行抽摘盤量若就用當處  
斗級慮難機察乞於行在省倉見管軍斗指差一名隨  
逐前去其州縣有山僻去處若候遍歷竊恐徃復徒有  
煩擾欲專委諸州主管官日下親往點檢具詣寔明文  
申或有侵盜移易許將當職官吏姓名按劾聞奏並從  
之 四月二十四日陳良弼言浙東七州見椿粳米二  
十五萬五千四百餘碩其間已有陳次數目若經暑濕  
蒸壞折欠愈多其間管粳米一萬一千二百餘碩即非  
賑濟賑難可用之物詔行下本路須以新易陳不得損  
壞官物其糯米即仰變轉收糶 二十六日陳良弼言

比點檢浙東七州常平倉其間失陷借支壞爛失收米  
麥共二十七萬六千二百二十餘碩并常平錢一萬四  
百四十餘貫乞委提舉官遍詣所屬剗刷係省錢米價  
內如所贖未足候受納秋苗日並盡數償還從之  
十一月十二日臣僚言國家置常平義倉為水旱凶荒之  
備近來州縣循習借用多存虛數其間或未至侵支亦  
不過堆積在倉臧勝惟謹初未嘗以新易陳經越十數  
年例皆腐敗而不可食用乞下逐路常平司申徹州縣  
常切以新易陳無致損壞仍差官盤量見在寔數申奏  
從之  
三年正月十六日戶部言諸路歲糶米一百萬  
碩權行住糶節次承降指揮科撥和糶北場先拋降下

未糴見在錢銀并兩浙運司合搭今年歲額糴本移用  
錢及諸路常平剩下糴本等錢共二百萬貫令行在并  
隆興建康鎮江府衡州置場收糴米斛共一百萬碩  
依舊作常平椿管緣逐路提舉司自承受指揮後循習  
住滯不催督錢數起發深慮因而過時有悞收糴本部  
令隨宜措置行在收糴米五十萬碩鎮江建康府各收  
糴米二十萬碩隆興府收糴米一十五萬碩衡州收糴  
米一十萬碩鼎州收糴米五萬碩欲將所在糴本錢數  
割下逐路提舉常平官兩浙轉運司日下計置盡數赴  
逐處糴場交納仍各具已催起錢數申尚書省從之  
十二月九日戶部侍郎曾懷言諸路常平義倉米見在

者總三百五十七萬九千餘碩并錢二百八十七萬一千餘貫除兩浙東西江東西湖南北廣東西福建成都潼川府利州路椿積米並已有餘外有淮東西京慶州路雖有見管各不過一十萬碩乞委近路常平官將見管錢于管下州軍依市價收糴以所糴米通舊管均撥諸州准備水旱支用從之 二十二日徽州言近緣雨水霖潦禾稼損壞米價踴貴民庶闕食乞于本州見管和糴義倉米取撥一萬碩賑糴將到價錢拘收不得移充候來歲秋成日便行收糴務要依元撥數及依舊窠名椿管從之同日詔諸路提舉官常切點檢常平義倉毋致侵移及不得虛椿數目仍於歲終具當年所納并

通見在寔教聞奏從中書門下省請也四年正月二十  
八日臣僚言去秋霖雨之久有傷禾稼訪聞近日七閩  
及江浙近地米價漸增將來必致騰踴欲望特詔州縣  
應有借充常平義倉米仰守臣日下照數填發如遇艱  
食平價出糶從之 二月九日權發遣隆興府沈樞言  
去歲江西諸郡類多水滂而本府諸邑如南昌新建豐  
城進賢被患尤甚竊料歉滂之餘民必艱食本府常平  
倉米自累歲賑糶之後所存無幾檢照乾道二年八月  
戶部撥降江西淮西湖北路常平錢二十五萬貫於本  
府糶米一十五萬碩就常平倉接管近者戶部申請行  
下本路轉運司起發赴鄂州今欲於十五萬碩中量留

五萬碩接續賑糶候秋成日却行收糶起發徙之  
月二日臣僚言近降指揮給度牒四百道下成都府路  
充糶本收糶米斛賑濟饑民切見成都一路惟綿漢州  
石泉軍旱傷最甚饑民日增而未已提刑司發漢州義  
倉以賑之宣撫司助萬緡制置司亦助數千緡上戶又  
義助米斛猶有不繼之憂然則常平義倉之政安可忽  
也蜀中自成都漢州之外常平義倉之額雖多而借充  
之數不一甚者但存虛籍本無儲蓄或遇水旱阻饑何  
以為計乞下四路提舉常平檢察樞管不許移用徙之  
五月十四日詔諸路提舉常平官每歲春季巡歷逐  
州點檢常平義倉以實數申尚書省不得仍前虛掩有

俟指準 先是臣僚言常平義倉行之二百餘年民受其賜後緣州郡歲計窘急移用寢多既不能還徒存帳籍又以專法不許移用及有陳損皆不以去官赦降原免所以前後官司懼有譴責互相隱蔽例不敢以寔聞故虛搭之數陳腐之弊積習因循久莫能革去歲朝廷割下諸路提舉官令諸州於歲終具當年所納并通見在寔數聞奏福建江東近已申到止是遍牒州縣取會供具提舉官即不曾親自巡按竊恐循習之弊未除虛搭之數猶在故有是命 六月七日詔諸路提舉常平官督責所部州縣候秋成日將入戶合納之數依條限拘催盡寔收搭仍以見管錢依時收糶不得違戾及依

已降指揮每歲春季躬歷所部州縣盤量見在米斛具  
數聞奏從中書門下請也 二十七日江西提舉胡堅  
常言去歲部內十一州免於水患者總三教處自今春  
米價踴貴諸郡賑糶比市價三分之二雖今秋得熟急  
於收糶以補所糶忍止及元數之半而見在米不無積  
久腐敗不可食之數爾後或值水旱何以為備乞將一  
路常平錢除合起發外盡數收糶從之 七月十二日  
中書門下有言照對逐路常平司具到乾道三年見在  
數目內饒信衢三州近緣賑濟支用却與元數不同顯  
是虛播有誤指揮除已別作施行外尚慮更有似此去  
處詔諸州知通候今降指揮到限五日將本州截日見



管常平義倉米錢具申數申尚書省如有虛掩不寔當  
職官吏重寘典憲提舉官循情隱庇亦當一例黜責  
二十四日臣僚言州縣常平錢穀多有名無寔如近日  
江西福建與饒信荒歉饑民奪米幾於嘯聚蓋常平法  
弊遂至于此今雨暘適時可望小稔乞下諸路常平司  
將見在封樁錢物于九月十月置場收糴如糴本不足  
則那撥別錢以繼之兼湖南江西諸郡有常平米積下  
不曾支遣者數目亦多恐失陳腐亦乞令提舉官分撥  
徃常平米欠闕去處庶易補足從之二十九日尚書  
省言信州常平義倉米元申帳狀管九萬三千餘碩今  
次提舉司申有六萬八千餘碩及至盤量止得一萬二

千九百餘碩其餘皆是虛數提舉官李庚到任已及二年並不檢察是致闕米有誤賑濟知州趙師嚴通判李桐係乾道三年在任之人所申帳狀隱庇虛妄詔李庚特降兩官放罷趙師嚴李桐各降兩官今後更不得與堂除差遣五年二月二日知寧國府錢端禮言常平米雖有以陳易新之法而州縣涉嫌官吏不敢移易年月既深陳蛀損壞腐為塵土乞今後有上供去處將見在常平米擇其不陳腐者許兌發本年上供却將收到新米依數搭管內無上供州縣聽以陳易新則常平所貯歲皆新米無陳腐折欠之患詔諸路州軍將見在常平米先以本州支遣數目以新易陳若州縣支遣數少

先換不盡即依今來所乞委自守臣審寔以堪充軍食  
米先作上供起發却將收到新米依數撥還如法椿管  
五月七刑刑部侍郎汪大猷言常平義倉之法國家  
行之最為詳備其錢物不得與它司交雜它司輒乞支  
移借用者皆有禁制自紹興三十一年成閔為湖北京  
西招撫使創行申請軍馬經過州縣批支券食於義倉  
米內取撥自後七八年間義倉之積耗散殆盡乞自今  
出戍軍兵經過州縣所批券米于上供米內支給不許  
擅支義倉如有違戾必寘之法從之 八月五日詔今  
後知通每遇交替從提舉司取見管常平錢米有無陳  
腐侵支先用新舊官連銜結罪保明申朝省 先是湖

北提舉謝師稷言常平之法蓋為水旱之脩歷時寢久  
州縣率多侵用名存寔亡陛下洞察積弊令逐路提舉  
官親歷所部盤量取見寔數責逐州知道交管封摭不  
得侵支惟許以新易陳如日前虛申數目之弊一旦盡  
革臣竊恐見任之人既經替移州郡循習舊弊又擅行  
借兌無以閑防故有是命 六年九月十三日江東運  
副兼淮西總領張松言今歲江東一浙間有滂旱去處  
目今米價已漸騰踴豈可不預為脩竊見江西湖南湖  
北三路常平倉蓄積充盈積而不散多致損敗不若檢  
校見存之數取撥一半轉移江浙則常平所移亡慮數  
十萬碩米既富足民自無饑詔江西常平義倉米通起

三十萬碩湖南常平義倉米通起一十萬碩並令發運  
司措置應副水脚錢津發赴建康府椿管 七年六月  
二十四日臣僚言近來常平之法寢壞帑庾之積所至  
空虛方粒米狼戾之際則無本以收糴迨野有餓莩始  
為移粟之舉或取之隣州或取之別路道路既遙時月  
亦淹救助未至而民之骨已槁矣今雨暘時若有秋可  
望願詔常平使者檢覆諸州常州糴本有支移侵盜去  
處各令隱括椿辦以俟穀賤傷農之際增收糴以惠斯  
民從之 二十六日臣僚言近者魏王奏請寧國府回  
糴常平米五萬碩應副官兵支遣已降指揮除放窋惟  
寧國一郡常平之儲幾何而取其五萬斛異時境內一

有飢饉顧何以賑之乞委江東常平司覈寔寧國回糴之數寔計有幾同共措置撥還既而戶部供寧國府已收納義倉米二萬七千餘碩外止欠二萬二千餘碩詔禮部給降度牒一百一十道付寧國府措置出賣補糴昨回糴過常平之數八年四月十七日權戶部尚書楊俊言義倉在法計夏秋稅每一斗別納五合即正稅不及一斗免納應豐熟計一縣九分以上即納一斗唯充賑給不許他用今諸路州縣歲收苗米六百餘萬碩其合收義倉米斛不少訪聞諸州將連年所收更不椿管往往擅行侵用乞行下諸路提舉常平限半月委逐州主管常平官取索五年的寔收支文帳申部稽考從

之 八月十六日提舉浙東常平公事鄭良嗣言浙東  
去年五月終一路有管常平米斛三十四萬五千餘碩  
續措置收糴到米九萬一千餘碩緣有灾傷及借撥軍  
糧及支乞丐見管只有四十一萬碩今欲趣秋成更糴  
五萬碩除別措置外尚少錢五萬三千二十餘貫詔令  
禮部紐計度牒給降 九年七月二十一日詔諸路提  
舉將所部州軍常平義倉錢斛委官點檢見在數目一  
萬碩以下盡行盤量一萬碩已上以上乾道會要抽摘盤量依寔保明  
聞奏從戶部尚書楊俊請也以上乾道會要經進總類國朝  
會要義倉紹熙元年七月八日臣僚言義倉之制始於  
隋開皇戶出穀麥貯於當社故名社倉遇歉賑給國朝

因之今州郡於入納之際與省苗混一雖撥隸常平然  
義倉之設本以賑濟今乃雜置其中乞詔有司各就  
本縣置立義倉以縣丞主之庶不失社倉本意下戶部  
看詳本部欲下諸路提舉常平司看詳臣僚奏陳照應  
見行條法鈐束諸州縣將見管義倉米點檢見數後收  
納到義倉米於常平倉內令擇教屋專一盛貯分明置  
立義倉米牌號不得常平米仍前混雜仰提舉司常切  
點檢覺察如違從本司按治施行從之以上光宗會要慶元  
二年六月二十四日戶部言權兵部侍郎兼知臨安府  
謝源明奏乞詔諸路提舉常平官不得將義倉米與常  
平混雜令提舉官躬親覈寔若委係久年陳腐欠折之



數非因合干人偷盜作弊具寔欠保奏悉與蠲放本部  
看詳欲從奏陳事理下諸路提舉司行下所部州縣湏  
管將義倉常平錢米分豁所隸令項椿管撰具帳狀從  
本司逐時檢覈毋令妄有他用以備濟難其間陳腐欠  
折之數併委提舉司躬親覈寔如見得別無情弊結罪  
保明申取指揮施行從之 嘉泰三年五月二十一日  
監察御史林行可言竊惟義倉之法每輸二稅一石別  
取一斗歉歲即給與民元豐中既詔開封府畿縣義倉  
隸常平司又詔京東京西淮南河東陝西依開封府界  
諸縣行義倉法立法之初所以行之諸縣者蓋以一縣  
所管二稅之數取其贏餘積而為凶荒之備以本縣之

粟賑本縣之民此意至均也紹興十八年因旱復詔戶部措置益為詳備今也不然一粒以上皆歸之州倉而不復儲之外縣一遇州郡給散而使其時時然不得需丐此豈立法之本意哉乞明詔諸路提舉常平官行下所部諸縣將每歲所納二稅大數細算合輸義倉斗斛若干除附郭縣就州倉送納外仰諸縣別立倉教明置簿籍盡數截納委令佐通管歲具納到米數申常平司州郡不得輒自拘納縣道除賑濟支給外常切措置以新易陳稍有並緣侵支仰郡守監司嚴行按劾從之嘉定三年三月二十八日臣僚言人戶納苗或就縣倉或往州倉各從其便令典具存蓋納苗則有義倉有耗

一  
剝義倉所儲專以待水旱凶荒耗剝則倖廳拘發漕司  
支遣近年以來有立約束不許縣倉受納必欲盡歸之  
州郡殊不知縣倉不受納則失義倉之利設有水旱凶  
荒何以賑之所謂耗剝者當據縣倉所納苗米若干然  
後取耗剝若干浙中諸邑有管苗米餘十萬石者豈盡  
於縣倉受納也今倖廳不問見納之數但以苗額總計  
耗剝悉取於縣乞戒敕諸郡每歲苗米從民之便許於  
縣倉輸納俾存義倉以待賑貸如耗剝米只據所納苗  
數解發不得額外一毫妄有紐折詔令戶部看詳聞奏  
既而戶部言照得民間輸納苗米自合各從其便或  
就縣倉或往州倉不唯便於民戶其義倉所輸亦可以

備凶荒水旱賑恤之用兼州郡所取耗剝亦應以收到  
苗米分數紐計拘催不應祇以遞年額管苗數取於縣  
道又復以高價折錢委為民害乞行下諸路監司州郡  
遵從今來臣僚奏請事理恪意奉行毋致滅裂如有違  
戾去處監司覺察嚴作施行從之

七年三月九日臣

僚言福建地狹人稠歲一不登民便艱食貧家得子多  
棄不舉法令有不能禁曩時宿儒忤議初由鄉里創立  
社倉借糶本諸司為米鉅萬夏貸而冬歛之雖中產亦  
得接濟其利甚博以社倉之息米二分與不濟僧寺之  
租米歲入舉子倉以濟貧乏生子之人使有所仰給遂  
不忍棄此良法也行於建劍上四軍州比年以來社倉

之米不貸於貧民下戶而土人倉官乃得專之以為謀利豐殖之具所貸者非其親戚即其家佃大與附近形勢豪民之家冬則不盡輸其可得而歛者又為倉官私有凡不濟院之產皆形勢戶請佃倉官不敢誰何租米既不肯輸息米又無可撥生子之人不蒙霑訟訴紛然是以舉子雖有倉刻石雖有碑而美意盡失之矣乞下提舉司每歲擇一清彊官覈實見在米數其欠折則監倉官填還責之保司同共管掌歲委令丞收支修復舊法稽管儲蓄歛貸以時從之 十一年五月六日臣僚言頃歲議臣有請計義倉所入之數除負郭縣就州輸送外餘令逐縣置教自行收受非惟草州郡侵移之弊

抑以省五年轉輸之勞是可行也曩時州倉隨苗帶納  
鈔同一鈔輸同一輸也今正稅輸之州義倉輸之縣則  
鈔為二鈔輸為兩輸矣曩時雀鼠之耗蠹吏卒之湏求  
一切倚辦於正稅而義倉不預而今付之於縣既無正  
稅獨有此色則雀鼠之耗蠹吏卒之湏求所不能免矣  
於是議臣有請令人戶義倉仍舊隨正稅從便就州作  
一鈔輸納而州郡復有侵移之弊臣聞紹興初臺臣嘗  
請申嚴義倉之法通計一縣合收之數截留下戶苗米  
於本縣送納開禧初議臣復請倣紹興之意令本州遇  
收受之時計一縣合納義倉之數相當聽從本縣收受  
其餘則仍令隨苗赴州輸納蓋截留下戶之稅米以補

一縣之義倉則輸同一輸鈔同一鈔雀鼠之耗蠹吏卒之湏求一切倚辦於正稅而義倉不預焉與輸之州無以異也其餘上戶之義倉則隨正稅而輸之州州得以補償其截留下戶之數也則州不以為怨縣得此米別項儲之以備水旱賑濟之湏使窮民不至於艱食則縣不以為撓一舉而三利獲此上策也惟是負郭之義倉則就州輸送自如舊制至於屬縣之義倉則令丞同主之每歲之終令丞合諸鄉所入之數上之守貳守貳合諸縣所入之數上之提舉常平提舉常平合一道所入之數上之朝廷令丞替移必批印紙考其盈虧以議其殿最庶乎寔惠及民不敢為州縣之所侵移而徒為虛

文也從之 十四年七月十四日臣僚言朝廷興置義倉令人戶各隨正苗輸納歛之於豐年而散之於歉歲最為良法以浙西言之一路八州軍府歲額管納苗米一百三十餘萬合收義倉米一十餘萬比來無歲不稔且以三年所儲已計三四十萬縱遇水旱足可賑給蓋緣州縣循習為常納米及半或元額已登餘則準直悉令輸錢以致義倉之額虧少而已納之米不肯隨即分撥又復侵移妄行消破提舉司無從稽考誠為利害今歲雨暘時若當議預行措置更革乞申飭諸路提舉司日下取見所部州縣一歲額管苗米數目計其合收義倉米斛自嘉定十四年分為始令人戶令鈔送納州委



通簽縣委丞簿交受仍入別倉安頓亦不受頭子脚剩  
錢及耗米如州縣輒敢並緣騷擾或依舊混穀收貯從  
本司密具官吏姓名來上重行鐫責人吏決配候交受  
畢開具數目椿頓去處及編排所納米鈔併行繳申提  
舉司本司更加檢覈總而上之大農置籍參考其通簽  
丞簿每考批書印紙如替移到罷亦赴提舉司將認椿  
義倉米令項批書若有侵欺違戾申取指揮斷在不行  
仍下敕令所修立成法從之

以上寧宗會要

全唐文

宋會要

諸州倉庫

太祖建隆四年七月詔曰為國之計足食是先屬年穀之豐登顧倉儲之流衍苟暴涼之失節即損壞以為虞必資守土之臣共體分憂之寄應所在倉廩並委長吏躬親檢校勿令損惡 乾德四年四月詔曰出納之吝謂之有司儻規致於羨餘必深務於撙克知光化軍張全操言三司令諸處倉場主吏有羨餘粟及萬碩畱五萬束以上者上其名請行賞典此苟非倍納民租私減軍食亦何以致之乎宜追寢其事勿復頒行除官所定耗外嚴加止絕 雍熙二年七月帝謂宰臣曰國家儲

蓄最是急務蓋以備凶年救人命也昨者江南數州微有灾旱朕聞之急遣使往彼分路賑貸果聞不至流亡兼無餓殍亦無盜賊之患苟無積粟何救飢民今天下數年已來連歲豐稔諸州道府見管斛斛慮主者弛慢或致損貳可嚴為戒勵乃詔曰邦家所切儲蓄是資所以防水旱之為灾救生靈之闕食稍有飢荒之患便行賑貸之恩免致流亡式彰勤恤濟民惠物何以加茲今天雖屢豐穰頗多貯積官吏或失於提點儲庫則至於損傷不唯陷主掌之人員兼亦誤朝廷之計度宜行告諭用警因循應天下州郡軍監見管諸色粮宜令逐路轉運司與逐處知州通判及軍監官吏并當職人吏等

脫三條

脫五年  
年二條

常切提舉倉司不得非理損惡官物其計度支用外積  
數多處並仰設法變換或作時價出糶或借貸與民充  
食或有水路處般運赴京及軍馬屯駐之處并館驛大  
路達者等第科罪雖去官猶論如律 大中祥符三年  
七月宣示王旦等省司近日責罰諸州虧少課利條法  
稍嚴若爾則率之於民日益增峻可特降詔示今後逐  
年比較場務去處如內有界分得替零月或有虧少更  
不比較責罰並以租額全年立定分數比較如有虧少  
許將前界出剩撥填外更有虧少即依編勅將多補少  
就輕依條施行 癸卯祥符五年十一月三日帝謂王  
旦等言事者云江淮大稔所在積糴粟倉庾不能貯旦

等請下州郡與葺廩舍帝曰近聞民間粒食愈賤可依  
例增價收糴以惠農民仍令所在州軍除上供外常積  
三年儲焉知節言江淮卑濕困倉必作地梁方免糜潰  
旦言廩庾並委轉運司規畫創造上供收糴依例施行  
帝然之十五日令諸州倉場所納旁鈔自今證驗訖具  
斤數送軍資庫每經二年一定價鬻錢入官不得妄有  
費用違者坐之 初景德二年勅逐年貯積以備檢會  
至是河北轉運司言貯積既久多即糜壞而檢會之際  
第用帳曆請悉出市於人三司總括天下之數旦請二  
周歲即鬻之故有是命 九年七月令保州徙監草場  
使臣廨舍于場外以烟燬密邇謹火患也 天禧二年

三月河東轉運使言并潞州倉元支剩五千斛及復欠四千斛昨準大中祥符八年六月二十八日勅給支三年已下欠數者償納半年已上者咸釋之竊以此輩仰恃明詔別有欺弊已移牒根究償納臣所部州郡積粟皆三五年此若不行弊必滋長望持定條制三司言至道元年五月十七日勅諸州受納斛斗收到剩數支絕日除舊鼠耗外欠者賞官今請祥符八年以前用至道初八年以後用新勅其每歲納粟正收省耗著於籍歲除省鼠耗外三年已下咸令償納已上於剩數更免什之三五年已上免十之五七年已上免什之七起今後受納界分少剩並如今奏從之三年四月左班殿直

閤門祇候任中立言沿邊諸處糧草逐處雖有專監使  
臣每至支散月糧及口食管勾不逮欲乞今後諸處只  
就彼令職官與使臣同監仍以一員依在京例監支認  
籌以此通相覺察可絕欺弊從之 四年八月兵部員  
外郎知制誥呂夷簡言沿邊州軍寨倉草場坊護糧草  
如稍踈違監官人吏大理寺並斷斬刑及違制奏裁望  
別定沿邊刑名詔法寺詳定以聞五年十月淮南江浙  
荆湖制置發運使周寔請於泗州轉般倉側隙地量蓋  
倉廩三百間仁宗天聖二年九月淮南浙荆湖制置  
發運使方仲荀等言真楚泗州轉般倉監官今後收到  
出剩不得批上廩理為勞績江浙州軍多裝發熟斛乞

服三年四年  
七年三年

依真楚泗州例支裝發沿江巡檢司排岸司多有勾索  
網運邀難住滯乞行止絕并淮南兩浙州軍和糴場監  
官內有糴下麤弱斛斛不任上供乞勘逐理納價錢並  
從之又言舒廬等十三州軍逐年和糴斛斛只於真楚  
泗州就近收糴帝令三司與仲荀同共相度聞奏九月  
臣僚言伏覩編勅諸處倉場受納所收頭子錢除一半  
納官外其餘並於倉場內置桶封鑲凡有支破監官與  
知州通判同上文曆其縣鎮逐旋具支破數目申州候  
納罷日磨勘具帳申奏并稅倉支遣斛斛漏底如不少  
欠元收出剩亦不破產鼠耗及無損惡官物其支使不  
盡斛子錢不以三年內外並將一半納官餘一半支與



專副若是元收出剩斛斛支遣漏底却有少欠及破雀鼠耗損惡官物其亦不破雀鼠耗存留頭子錢更不支與專副並送納入官天下所收頭子錢貫萬浩瀚其倉場納罷只將一半納官內一半逐州官吏皆依舊來體例支遣但有名目破使去處即便使用又緣元勅候倉場漏底不破雀鼠耗許將一半支與專副其倉場漏底實見少有不破雀鼠耗者以此天下一半頭子錢多是逐州依例因循破用今乞每年所收頭子官錢除名給與鋪襯紙筆倉直錢外並乞一齊收納入官更不存留封鎖如此則拘轄官錢不至枉用詔諸處倉場所收頭子錢納官外內有合行支使者並依先降條貫明上文

朕聖宗七  
年一條

曆支使不得妄作名目枉有破用如敢故違並當初罪  
嚴斷以上國朝會要十年九月四日詔諸河倉納粟至次年支  
納一碩破耗一升歲加一升至八升止元豐元年閏正  
月九日賜度僧牒百道付河東路轉運司買材木應副  
大名府澶州修倉 八月十六日詔京東路轉運司齊  
州章丘縣被水修縣城倉庫並給省錢 四年四月二  
十八日詔以瀛定滑州擬修盛貯封樁糧斛倉屋園每  
州兩倉修蓋付專切措置河北糴便寨周輔差官往彼  
度所宜建置處以聞九月二十七日權發遣三司度支  
副使公事河北東西路體量安撫寨周轉乞就西山採  
斫木植修蓋北京等處倉教等從之仍命周輔經畫提

舉

五年九月二十一日措置河北糴便司言準朝旨

於瀛定二州修倉六所先後給度僧牒千五百其錢已

盡用乞增給詔給一千元符三年四月二十日

徽宗即位

未改詔訪聞諸路災傷州軍緣倉庫蓄積不廣致支散

諸軍月糧口食等多以情願坐倉為名又支價錢低小

致食用不足因茲逃竄餓殍恐寢久聚為盜賊自今支

散月糧等須是斟量食用豐足之外方許將有餘情願

坐倉依見和糴價支錢所屬官司即不得順從承望抑

脅如有違並科違制之罪仍令提刑司常切覺察及令

戶部立法聞奏徽宗大觀元年十一月五日陝西轉

運副使薛嗣昌言涇原見准詔就鎮戎軍平夏城通陝

服一條

寨西安州四處營建都倉草場欲乞賜名額詔都倉可  
賜名平夏城曰裕財鎮戎曰裕國通陝曰裕兵西安曰  
裕邊四年十二月九日詔曰近諸倉月給軍糧多有  
減剗監視斗面官不切躬親檢察仰司農寺檢具條制  
申飭施行如有違犯官員重行黜責吏人決配千里  
政和元年五月三十日詔諸軍月糧口食雖食用有餘  
不取情願而攔令坐倉收糴者徒二年以臣僚乞嚴  
立抑勒之罪復坐倉之法若果是食用之餘情願依實  
直價使以見錢給之因亦可行但須嚴立抑勒條法故  
復立此條政和三年閏四月三日詔諸監倉門官應  
差出者常留正官一員在倉係獨員者不得差以尚

書省言諸州監倉監門官差出全無正官在倉雖有權  
官於受給不得專故也 四年八月十七日京畿提點

刑獄公事林堯言諸州縣倉屋損壞公吏喜於作倖漕  
司憚於應副伏見省倉之法以收息五釐極充修補之  
用欲應倉屋以本倉盤量到出剩十分椿一分如省房  
收息之法專充修倉之用庶使天下倉庾常加修飭無  
復侵竊腐蠹之患從之 五年四月十八日臣僚上言  
高陽關路諸州軍倉廩內滄州寶嘉倉白米經今十年  
別無損爛受納官周志行顯見用心保定軍省倉白米  
均糴未及二年已多腐爛監糴官趙升之顯見受納濕  
惡詔志行特循一資升之特降一資同日詔河間府豐

利廣富倉檢計合用錢數支撥滄州鹽倉頭子錢令吳玠措置修葺以臣僚言河間控扼衝要之地兵屯既衆豐利廣富兩倉二千餘間經三十五年乞就近支撥滄州鹽倉頭子錢或借支鹽息錢充修倉支用令變轉回易分限撥還故也十一月十五日陝西路轉運使席貢言續降政和令諸倉監官應差出者常留正官一員在倉係獨員者不許差出其諸州軍資庫監官與監倉職事無異欲今後並不許差出責令專一管出納從之六年十二月十七日詔封樁錢將以待非常之用有司失於經畫妄乞支撥自今輒有陳乞以違御筆論從戶部請也八年二月四日臣僚上言州縣倉庫受納糴

買國用所繫永靜軍縱令攬納麤惡稅斛八萬餘碩畧行古剝虧官錢三萬緡却於攬納戶處賤糶黃米入公使庫償以淡酒又令納倉獻送遺利錢數百緡復以酒特送倉官雖知州但以不知情贖金而麤惡損折之物無緣償足竊慮此類尚多欲乞應總領財用監司巡厯所至檢察違戾者奏劾從之宣和元年十月十三日詔濱州南北兩倉五百餘間廩屋例皆踈漏見收貯措置糶使司斛斛不少仰措置糶使司於所收二分頭子錢內支撥見錢五千貫付知通修葺候畢工日令廉訪使者點檢保奏七年二月十四日詔諸路州軍所在軍糧窘闕支散不時又多麤惡致汝州安肅軍雄州廣

信軍興仁府兵士作鬧又拱州出戍雄州兵士例皆赤  
露並無衣裝只因衣糧大段闕絕除已重作施行外可  
令尚書省嚴行約束諸路漕臣應合支軍兵衣糧並如  
期給散仍不得夾雜糠粃及用麤色折兌如敢違戾重  
行貶竄不得以去官赦原四月二十七日講議司言勘  
會收支官物州縣官司則憑簿曆朝廷省部監司則憑  
帳狀而帳內官物與簿曆不同簿曆內又與倉庫見在  
不同至有帳尾見在錢物一二十萬而曆與庫內全無  
見在攢造驅磨申奏徒為無用之空文除諸州封樁錢  
物已降指揮委常平司官取索驅磨外其非封樁錢物  
欲令所屬監司委諸州通判遍詣本州及管下倉場庫



增修  
卷一  
賦役

務將帳檢及逐處赤曆文簿取見在官物實數於勾院  
置簿拘籍從之 欽宗靖康元年十月十二日詔諸路  
漕司據住營駐泊廂禁軍未支軍糧疾速應數按月支  
給不得循習舊弊及坐倉虛稱官買量給價錢違者重  
行竄責以上續國朝會要 高宗建炎元年五月一日赦自崇寧  
以來州縣倉庫受納稅賦務加概量以圖出剩東南六  
路為甚其弊本於補發綱運斛斛額外增數可除歲額  
上供數外其每年認起補發額斛並權住罷 二年二  
月十日淮南西路提刑司言近年以來諸州受納官與  
專斗作弊公然受納濕惡偽濫之物或年月深遠不曾  
依條兌換將不堪斛斛盛貯別教專充軍糧先留好米

以並同下  
既九條

支見任官月俸欲乞今後在倉應受納糧斛不得分別  
官員軍兵並令一教收支內有大段損壞全不堪支遣  
即勒元受納官備償仍許監司出巡檢察從之仍坐條  
行下十一月二十二日赦應金人及盜賊經由州縣內  
有燒毀係官屋宇等去處除城池倉庫外餘並未得興  
修以寬民如違以違制論仍令監司按舉 三年四月  
八日四年二月二十三日赦並同八月十七日尚書戶  
部郎中總領湖廣江西京西路財賦湖北京西軍馬錢  
糧達汝霖言州縣受納人戶租稅米斛取耗唯恐不多  
前後累降約束非不嚴備然終不能遏絕者其說以謂  
贍養官吏軍兵悉出於此就使如其說已犯禁網而近

年又復輒將在倉米斛出糶收其價直以資妄用此殊可駭若軍期急闕猶當中稟苟為不然其可擅乎乞特降處分應州縣係省米斛不得擅糶如委因闕乏事須出糶即具因依申轉運司待報施行仍令轉運司覈實申戶部照會庶不至重困民力輕耗國計從之三十年四月二十四日臣僚言竊見川廣荆河般運糧斛錢物至行在者經涉江湖道里遙遠既入浙河又有守閘阻淺之患而建康府溧陽縣東埧鄧步溧水縣銀林太平州之間有陸路遠者二十五里近者十五里正川廣江湖舟楫經從之地若於此置轉般倉下卸川廣江湖漕運之物及支撥四向旁近州縣不通水路物斛及省併

中興金要上  
脫三十二年  
傷

江東轉運司蕪湖縣倉於此受納實為利便又訪聞銀  
林鄧步中間陸路舊曾開通見有堰閘溝港遺跡可考  
問其所廢之因則謂宣州境內地高每遇水漲則無以  
防遏為害只當量留最高處三二里間不必開通以為  
置倉之基則於般運尤易詔並令本路轉運司相度施  
行中興金要以上孝宗乾道二年七月四日詔置隆興府  
轉般倉詳見水三年八月三十日詔江州荆南襄陽府  
大軍倉庫並聽逐處守臣檢察如有違戾事件並申總  
領所劾治先是尚書度支郎中唐瑒言湖廣總領所江  
州荆南襄陽府各有大軍倉庫其逐處監官州府不敢  
何問不能不生姦弊故有是命四年二月二十一日

前監鎮江府戶部大軍倉王晞言乞依行在省倉監官體例任滿推賞戶部下司農寺指定欲依紹興十八年五月二十一日已降指揮比附行在省倉監官體例與減二年磨勘推賞施行從之三月十七日詔諸倉支諸軍月糧口食仰勒生倉低價糴買及將軍人與在外糴米人非法斷罪追理賞錢並令從便不得依前抑勒糴買從中書門下省請也四月八日荆湖南路轉運判官邵及之言被旨鄂州初造轉般倉一所合轉置官吏欲差排岸官一員拘催交卸監官一員給納專知官攢司各一名掌管收夫排岸官就差本州都監兼管專知攢司從本路轉運司踏逐見役人吏衙前充每月量行添

支專知官食錢一十五貫攢司一十二貫監官不拘大小使臣京官選人或乞令踏逐所隸州縣見任官管幹每月添支茶湯錢二十貫排岸官十五貫從之五月七日太府鄉總領湖北京西軍馬錢糧鍾世明言襄陽等處倉庫收支錢物浩瀚本所差遠難以稽察昨雖有指揮令守臣檢察亦恐不專竊慮暗失本所財計乞許臣間或前去點檢及詢訪支遣官兵請受有無減剋之弊兼民間休戚亦得奏聞從之五年八月二十九日詔應管官物倉場庫務等去處自乾道二年除放之後如有少欠錢物令所屬並須管依條陪還即不得仍前妄行申請除放令戶部申嚴行下國中書門下省請也

六年九月三日新權知汀州謝知幾朝見奏乞令諸州  
司法同司戶管幹倉庫職事上曰刑獄事重倉庫利害  
稍輕令司戶專管十月八日平江府許浦鎮駐劄御前  
水軍諸軍統制馮湛言臣移屯許浦屢嘗申請乞就梅  
里鎮置立倉廩應副支請得旨依臣所乞今踏逐到梅  
里鎮勝法寺空閑廊屋庫堂大小共三十間可以安頓  
錢糧詔胡堅常疾速措置辟截津運錢米前去八年  
八月七日淮南運判向士偉言本路廬和州巢縣等處  
見屯戍軍旅轉餉兵食水路回遠初無經久利便聚糧  
之所就無為軍造轉般倉一所約可儲三十萬斛令相  
度得本司後倉屋見有二十餘間周回空地可以添造

倉廩詔令馮忠嘉疾速修蓋運判馮忠嘉言無為軍距巢縣水路一百四十里路稍徑直在所不論距和州則下水九十里至裕口裕口合九江水路之間冬乾則成下水春水生則為上水則快而易進上水則急而難遡又下水六十里至楊林渡又上水二十五里始至和州凡上下水一百七十五里迂遠如此臣獨謂聚糧最宜乘水未退運入廬州為上其次則莫如和州又其次則莫如巢縣蓋倉合肥運道不惟艱難且有不通之時至和州自可指撥下卸何若自為迂遠伏望詳酌置倉去處且仍舊貫詔令趙善俊王楫同共相度合與不合修蓋九年正月二十四日有旨令淮南轉運司於和州并巢縣各



蓋造可以盛貯米斛一十萬碩倉廩一所其無為軍倉  
廩更不修蓋以上乾道會要淳熙元年八月十日吏部員外郎  
莫漳言諸州倉庫場務場務多巧作名色增置簿曆乞  
令諸州於歲前兩月將倉庫場務簿曆悉解赴提刑司  
印押限歲前一月先次給下令提刑司每歲終具州邑  
已印給赤曆簿書名件申戶部帳司照會若州郡復踵  
前弊令監司按劾從之 二年二月十四日淮南運判司  
吳淵言今朝廷播積米在淮西除經常數外不若就江  
南播積乞於太平州蕪湖縣采石鎮江次高仰處建倉  
屋百間可播積米伍十萬碩就令本鎮監稅官兼管從  
之 三年五月二十六日詔三總領及見有播管處漕

臣督責守令檢舉以新易陳將來點檢如有陳腐當職  
官吏重置典憲從中書門下省言也九月二十六日度  
支郎中史松老言四川宣撫司有備邊椿積糧一百十  
餘萬石倉廩類皆鹵莽多致腐敗乞行下制置司總領  
所盤量除陳腐外具實數以聞每遇支糧逐年新陳兌  
易葺其倉庾使之堅久庶幾可備緩急詔利路運判王  
敦詩知興元府李縈委官點檢分明聞奏或有不實其  
當職官吏取旨重罰不以去官赦降原減四年正月  
四日淮東總理錢良臣言楊州近於古城舊基添築堡  
寨於內合建倉儲米近已造廩屋五十間料屋二十間  
乞令楊州守臣差人看管修葺無令損漏從之六年

九月又展蓋廩屋五十間從淮東總領葉翥請也十一月一日四川制置使胡元質言關外諸州見管播積糧斛共一百十四萬四千石有奇率多陳陳令乞支給軍糧以陳腐米增數與之物雖不精彼利其數之多亦所願欲於播積之數雖少虧猶愈於全棄也詔周嗣武同總領公共相度將依次不堪支遣者措置變糶却將價錢盡行收糶依舊播管五年閏六月十一日詔鎮江建康府各置轉般倉一所鎮江府於關外建康府於石頭城修築各置文武監官一員總領專一提領八月七日詔城都府置省倉監官一員以帥臣言本府省倉出納甚多自來不置監官止差糧料院官兼監故也八

年閏三月十七日詔鄂州於近處建倉如遇綱運到岸  
即令入倉不得於諸倉安頓以臣僚言湖南每歲發米  
到鄂州無一定交納之地出卸後時姦弊不一間遇風  
濤或至沉覆非惟陷折官物而部押官吏往往因此狼  
狽失所故也 九年七月九日詔諸路州軍應有朝廷  
米斛專委守臣認數椿管如致陳腐及有少欠並令守  
臣抱認補填雖已去官亦取旨責罰總司毋得干預  
十年正月十一日詔准西州軍將見在米斛以新易陳  
認數椿管非奉指揮不得擅支以本路監司言有見在  
米斛五萬六千八百三十餘石已牒諸州軍椿管故有  
是命四月七日詔建康鎮江府轉般倉各撥隸本府所

有逐州府大軍倉椿管朝廷米並委守臣同本倉監官認數別教封鎖其監官攷任除所屬批書外亦令於逐州府批書有無少欠方得離任以知建康府范成大言近旨諸路州軍應有朝廷米斛專委守臣認數椿管總司不許干預今來本府大軍轉般倉元係屬淮西總司今朝廷既撥付守臣椿收其合干人若依舊隸總司難以檢察乞將轉般倉撥正所隸則守臣方可任責故也十一年二月二十四日權發遣澧州趙鼎言本州連年旱歉去歲尤甚見將常平米斛賑糶而所管不多難以繼後若不急行措置將來轉致失所臣契勘本州見有朝廷椿米斛四萬餘石若俟奏聞取旨行下然後賑

糶竊恐緩不及事恭覲元降指揮委守臣認數如陳腐  
少欠並守臣抱

臣除目下將上件椿管米一面  
開倉賑糶拘收價錢令項椿貯候秋熟日從元數收糶  
補填非惟可以接濟飢民亦免陳腐之患詔住糶先具  
已收價并用過米斛數目申尚書省 十二年五月十  
三日黃州奏本州措置糶到占米二萬石穀種五千石  
小麥種一千石在州城倉及麻城黃陂縣倉椿管照得  
上件備濟占米係土產小米不堪久遠椿積況今已是  
年深若不變糶恐日後轉見陳腐兼本州自開春以來  
少有米斛上市竊慮民間闕食除已逐急將上件占米  
照元價出糶候秋成收糶椿管外詔黃州日後取撥椿

管米斛須候請降指揮方得支使其已糶占米權依所  
乞候今秋糶還椿管 十四年九月十七日中書門下  
省言鎮江建康府轉般等倉并鄂州江陵襄陽府見椿  
管米斛數目浩瀚屢降指揮令逐州府同總領所常切  
措置以新易陳却元自來綱運到岸憚於般卸往往就  
船支遣是致損壓陳次詔令守臣將見椿管米斛逐一  
契勘元交卸歲月先後并開具自淳熙十一年至十三  
年終已對兌過數目分明以聞仍仰淮東西湖廣總領  
所今後遇綱到岸須管拘推赴倉卸納依節次指揮以  
新易陳不得仍前就般支遣 十四年十月七日樞密  
院進呈淮東總領所相度到楚州不宜赴倉積穀上曰

楚州必守之地自當積穀為備總領所相度事理未是

可令起倉三十間

以上孝宗會要

淳熙十六年六月十六日中

書門下省言秋成不遠合照年例廣行收糴播管米斛

其行在諸倉并淮東西湖廣總領所見管倉廩慮有疎

漏詔司農寺及淮東西湖廣總領所各預行修葺以備

儲積其合用物料令所在州軍疾速隨宜應副毋致闕

誤  
紹熙二年二月十二日中書門下省照會鎮江府

轉運倉大軍寄納倉及兩淮州軍并襄陽府等處播積

米斛竊慮或有陳次有誤將來吏遣乞降指揮委自逐

處帥守并總領官逐一覈實取目今播積米斛開具逐

廩年分有無陳次及借兌未還之數從之五月二十九



日臣僚言襄漢之地縣亘數千里屯兵控扼去處衝要實繁兵少則不敷兵多則糧不能繼為今之計莫若預積以為之備嘗充積粟所在惟郢州及應城兩處宜廣建倉廩為積貯之計詔湖廣總領所相度措置以聞總領張體仁言本所照得郢州見屯軍馬每歲合用米料共約支一萬七千餘石每年常料撥綱運四萬餘石前去應副支用又有椿管米料近一十萬石若更積粟恐致陳腐兼本州城內湫溢亦無空閑高阜自郢至郢春冬之間水路可通緩急不妨津運似亦未須添蓋倉廩其應城縣已準指揮令修蓋寨屋以備分戍牧馬臣近因往荊襄點檢倉庫經過本縣親行相視得向來辛巳

屯軍一時米料多是逐急那借僧寺觀空屋盛貯本縣  
舊管廩屋例皆疎漏頽廢不堪椿收官物遂委知縣踏  
逐縣西空閑地一段可以蓋倉一百間約盛米料一十  
萬石其他却近以水次般運順便計料合用材植等九  
千六百二十餘貫工食在外體仁檢照淳熙十四年間  
鄂州蓋造大軍倉一百間蒙朝廷支降錢一萬五千貫  
起蓋了當今相度乞行下本所於椿管會子內支撥一  
萬五千貫付鄂州都統司收買材植等差撥軍中工匠  
如法起蓋從之 四年七月十七日中書門下省言諸  
路椿管朝廷未斛紹興二年二月十二日已降指揮委  
逐處帥守并統領官一取會數目雖據申到竊慮未得

盡實詔三總領所日下取見椿米州軍元管數目具結  
罪保明文狀申尚書省將來支遣不管少有欠折並令  
各路總領及椿管去處守臣專一任責如向後或有虧  
欠並重寘典憲 五年五月二十四日淮西提舉張同  
之言官下諸州見管椿積米僅三十萬石雖名水次其  
間多是山澗小河春夏雨水泛漲方可通運秋冬水落  
則往往不通舟楫州縣憚於造倉之費一時苟且多就  
寺觀夾截小屋或於露天積囤上漏下濕豈不損腐兼  
積椿已久亦不能保其無虧詢訪得舒州桐城縣管下  
樅陽鎮下瞰大江舊大雲倉一所已廢而基尚存目今  
本鎮官衙內常帶監椿積倉庫若於此處建造倉屋百

餘間將其他見椿之米凡不近大江者徙之於中異時  
舒州應糴到椿積米斛並於此倉椿頓非特淮西緩急  
可以應用若撥付淮東亦順流而下誠為利便况舒黃  
州無為軍名曰淮郡其實近裏僻在一隅且有重山復  
河之險委是利於椿積合行一體措置從之 又言兩  
淮自收去偽錢之後當時官中所給收換之錢多是會  
子隨即轉而之他此後連年薄收官與民為市者絕少  
以故民間錢物艱得所謂改官錢於民者不過於糴若  
豐熟年分和糴亦不必專在於秋冬遇有米皆可收糴  
但不擾則樂然投糴官私皆得其利仍將所糴之米於  
新倉椿頓委實經久可行兼照得諸州各有交子換到

鐵錢椿管上供等鐵錢別無起發欲乞逐旋付守臣責  
之認數自今年秋成為始選擇清廉通時務官置場招  
誘鄉民等不拘時節赴場出糶兩平交量優於市價即  
不將顆粒科敷於民每年於歲終比較所糶多寡而賞  
罰之從之以上光宗會要慶元元年十二月九日准東轉運司  
言本司計料到起蓋和糶椿管朝廷米斛倉廩二百八  
十三間合用竹木磚瓦釘灰蘆葦物料人工錢米及周  
回墻園填疊地基每間約價錢三百貫文共用八萬四  
千九百貫文乞於本路椿管交子鐵錢內支降應副起  
蓋詔令本司於真州見椿管鐵錢內支撥四萬二千四  
百貫文 三年十月二日度支郎中岳震言淳熙以來

臣僚奏請守臣交替將見在錢物具數申部報御史臺置籍稽考孝宗皇帝首俞其請陛下踐祚又復申嚴誠良法也令諸路州軍大率隱而不申者本部無由而知使其任滿到闕吏部關報責以必申尚猶可也若外除就差不到闕者其不申必矣及其申到有指東為西認此作彼本部亦無由而辨至有合解諸色綱運占護而不解令吏官兵請給積壓而不支留裝虛數反累後人臣謂此法當責漕臣今後所部郡守替移須管覈實諸色綱運應干請給支至日下齊足餘外方為實在之數保明申部諸司替移應有錢物除與幕屬同御申外仍報本路互察之司保明申聞從之

四年十月三日

臣僚言乞明詔大臣就職事官內選曉事清穩官分詣逐路將椿積米躬親盤量取見的實見在數目仍索干照逐一驅磨究見元椿管若干續收糴到若干節次借兌若干折欠若干見管若干各項聲說因依開具細帳并干照事祖一處結罪保明齎申朝廷候到委官覈實將節次借支之數公共參酌的合支數目具呈取旨明行銷豁外有合管見在米斛行下各處如法封椿今後不許私自借兌顆粒或遇以新易陳即限在當日具申朝省仍於狀內分明聲說係將是何名色米一併撥還或欲候秋成日旋行收糴即預先撥出價錢令項寄收具數供申其米不許擅自移易亦不許積壓致有損壞

每至歲終從各州軍守臣同當職官具奏無借兌結罪  
奏聞委自提領官常切檢察如敢擅自借兌不以多寡  
具申朝廷重寘典憲詔先次點檢三總領所准東差大  
理寺主簿謝儼准西差司農寺主簿王大過湖廣差軍  
器監主簿潘子韶內准東西各限半月湖廣限十日起  
發各具知稟文狀申其州軍有朝廷椿積未處令本路  
轉運司差官點檢保明申尚書省續行差官覈實餘依  
已降指揮 五年四月二十四日因右諫議大夫兼侍  
講張奎言行下謝儼若已盤量到所屬州軍椿積米料  
內有欠折浩瀚去處即將合千人送獄根究欺弊仍一  
面具因依先申朝廷一併劄下潘子韶王大過照應使



奉公竭力一體施行庶幾州縣官吏悚然知朝廷命令之不可玩而典憲之不可逃繼自今椿積米之散在諸路者皆可指準不復貽陛下憂矣從之十三日軍器監丁逢言竊見潼川運司椿管糴本錢米先有運判岳霖椿到糴米錢引二十萬道糴米專備災傷支用昨因資晉等州旱傷用過一半以上臣到任交到錢引九萬六千二百餘道見錢三千一百餘貫臣搏節浮費添積錢引一十餘萬道及糴到米斛至解任共椿糴本錢引二十萬二千八百餘道湊及岳霖任內數目緣慶元二年遂寧府資晉州夏旱免稅制置司行下運司支錢米應副州郡急闕必有支過錢米若後官不為補填緩急無

以接濟乞特降指揮下潼川運司常切撻管糴本錢米  
二十萬道元數遇有災傷支用隨即補填元額不得虧  
少從之 嘉定五年三月二十八日知和州富嘉謨言  
竊惟兩淮歷陽為淮西要郡昨來胡寇侵擾攻圍不下  
者人人有死無二而本州廂禁軍堅守之功為多欲籍  
官田立廣惠以給民之孤獨開質坊收利息以給軍人  
守城之有功者二事皆不可緩自臣到任以來凡沒官  
戶絕田入官者籍之今得田一千七百畝歲收其租以  
贍鰥寡貧窮孤獨之人及有死無以葬者立廣惠倉於  
州倉之內專委戶曹主之與常平義倉兼舉而並行蓋  
本州雖有常平義倉所得不多一有水旱則鰥寡無以

養貧窮無以給未免有流徙之患非所以惠貧民實邊境弭盜賊也本州守城立功軍兵四百九十五人昨蒙朝廷給到宣帖各人節次陳乞幫行正請本州具申江淮制置大使司備申朝廷回準指揮所其增添請給從本州應副前任周馬帥以本州窘乏具申制置大使司乞下總領所照各人所授宣帖給正請且放行一半續得旨令和州於見椿管會子內取撥五千貫應副前任守臣又申朝廷於椿管錢內撥到會子五千貫展計換見錢一萬一千五百九十五貫取會到實管守禦立功廂禁軍四百四十五人計二千七百六十四資除周馬帥任內添支外再共添錢八百二十餘貫臣到任首申朝

廷行下於樁管錢內支撥一萬貫文今來月支已盡不  
敢再申控告今將公庫趨積到錢三萬貫文及將本州  
舊醋庫改作激勵抵當庫在閑閑處開置月收息錢專  
助添支當來守禦立功兩禁軍以為軍人無窮之利以  
示激勸專委知錄主人又恐歲收息錢支遣不敷今並  
之以沒官田桑之租與夫本州節制司舊管抵當庫所  
收息錢公使庫日收房廊白地賃錢併行撥隸使後之  
為州者得以了一歲添支之費二策於和州誠為兵民  
莫大之利除已揭榜曉示軍民黏連拘籍沒官地田桑  
租花利及撥隸舊抵當庫息錢公庫房廊白地錢窠名  
單子外仍開具措置廣惠倉已拘籍到戶絕租課并拘

籍支給守臣立功廟禁軍添幫錢窠名抵當本息沒官  
地田柴山隱漏桑租及根括到逃亡戶絕之家水陸地  
柴山桑林石磊地租課等申乞劄下本州置籍拘椿專  
充兩項支遣庶幾永為邊郡無窮之利批送戶部限十  
日勘當申尚書省既而戶部言所申兩項委有利便所  
有元管庫本錢自是本州州用錢即無交收諸司窠名  
官錢亦不是常平錢本及無合充上供經總制錢數及  
於今來檢坐條法即無違礙從之六年二月五日都  
省言建康府轉般倉監官目今堂除文臣其監門兼斗  
面官亦合一體得旨建康轉般倉監門兼斗面官堂除  
使闕差選人經任有舉主無過犯人部授見任許終滿

已差下人依省罷法 七年十一月四日詔今後建康  
府鎮江府轉般倉監門官任滿如能搜檢無透漏官物  
比倉官與減半推賞施行以監建康府轉般倉門史文  
卿申乞比附倉官推賞故有是命 十四年六月十六  
日德音敕文應新黃州倉場庫務但干係官錢物如實  
經兵火燒劫仰准西制置司審實開具數目保明以聞  
當議斟酌減放內有官吏般載錢物往別處州縣收藏  
或回易興販不曾被劫而隱匿入己者並自德音到日  
限一月經所在官司首納如限滿不首及首納不盡因  
事冒呈並依法施行仍不理今來德音原免

以上事  
宗會要